

漢書門

一二五六八
一〇八
六
一〇〇
類
函
架
冊

漢書門

一二五六八
一〇八
六
一〇〇
類
函
架
冊

漢書門

一二五六九
一〇八
七
八〇
類
函
架
冊

文獻通考卷之一百七十四

淺草又庫

宋鄱陽

馬

端臨

貫與

著

封建考

明漸陽

馮

天馭

應房

校刊

北齊有土公侯伯子男六等之爵王位列大司馬上非親王則
在公下封內之調盡以入臺三分食一公以下四分食一王
置師一人餘官大抵與晉梁制不異公主則置家令丞等官

齊宗室諸王

趙郡王琛神武皇帝弟天平三年追封

子叔嗣後主時

清河王岳神武從父弟天保初封

子邁嗣齊亡入周仕隋至

上關府

廣平公盛神武從叔祖以從起兵封子瑗嗣改封平昌王

陽州公永樂神武從祖兄子太昌時封子孝緒嗣後改封脩

城郡王

文獻通考卷一百七十四

文獻通考卷一百七十四

襄樂王顯神武從祖弟天保初封

上洛王思宗神武從子天保初封子元海嗣齊亡死於周

思好思宗弟封南安王後反兵敗死

平秦王歸彥神武族弟夫保初封後反誅

普歸彥兄子天保初封武興郡王齊亡卒於周

永安簡平王浚神武第二子保定初封後為文宣所殺子準

嗣

平陽翼王淹神武第四子大保初封子德素嗣

彭城景思王浚神武第五子天保初封後為武成所殺子寶

德嗣

上黨剛肅王渙神武第七子天保初封子寶嚴嗣

襄城景王清神武第八子天保初封子亮嗣齊亡卒於周

任城王潛神武第十子天保初封齊亡入周死

高陽獻穆王湜神武第十一子天保初封子士義嗣

博陵文簡王濟神武第十二子天保初封後為後主所殺子

智嗣

華山王凝神武第十三子天保初封

馮翊王潤神武第十四子天保初封子茂德嗣

漢陽敬懷王洽神武第十五子天保初封子建德嗣

河南康獻王孝瑜文襄帝長子齊初封子弘節嗣

廣寧王孝珩文襄第二子齊初封齊亡卒于周

河間王孝琬文襄第三子天保初封後為武成所殺子正李

嗣

蘭陵武王長恭文襄第四子天保初封

安德王延宗文襄第五子後主時周師入軍敗出奔延宗即位

力戰周克鄴禽之見殺

漁陽王紹信文襄第六子齊亡沒於周

太原王紹德文宣帝第二子天保初封後為武成所殺 子辨

才嗣

范陽王紹義文宣第三子天保初封後周既取齊紹義入突厥
稱帝周人購得之流蜀死

西河王紹仁文宣第四子天保初封

龍西王紹康文宣第五子天保初封

樂陵王百年孝昭帝第二子帝即位立為太子後為武成所殺
子白澤嗣

汝南王彥理孝昭子武帝初封齊亡入關授儀同隋開皇初卒
於并州刺史

汝平王彥德

城陽王彥基

定陽王彥康

汝南王彥忠

皆孝昭子與彥

理同時受封後不知所終

南陽王綽武成帝子河清時封後為後主所殺

琅邪王儼武成子河清初封後為陸令萱等所殺

齊安王廓武成第四子

北平王貞

淮南王仁光

西河王仁儼

樂平王仁邕

穎川王仁儉

丹陽王仁直

東海王仁謙

皆武成子齊亡

與後主俱死於長安

高平王仁英

安樂王仁雅

亦武成子周之

殺齊宗室二王以清狂瘖疾獲免俱徙蜀死

齊列侯

萬侯普太平人其先匈奴之別世為酋長魏孝武時封清水郡

公和武封河而郡公 十洛嗣

封

可朱渾道元遼東人魏時以功封東縣伯神武時以軍功累封

扶風郡王 子長舉嗣

天元道元弟以功封昌陽縣伯

天和天元弟以道元功積封至博陵郡公

劉豐普洛人以功封山鹿縣公後戰死 子曄嗣

破六韓常單于之裔魏時封永安縣侯齊受禪封廣川縣公

金祚安定人神武時封安定縣公

劉貴陽曲人封樂安縣男 子洪徽嗣

蔡雋廣寧石門人神武時以戰功封烏洛縣侯

韓賢廣寧石門人以功封汾陽縣伯 子裔嗣

王懷不知何許人神武時以功封盧鄉縣侯

任祥廣寧人積功封至魏郡公 子胃嗣

莫 入狄那人從神武征伐積功封至石城公 子敬顯

庫狄迴洛代人神武時以衆附封順陽縣子昭帝即位進爵王

庫狄盛懷朔人積封至華陽縣公

張保洛南陽人以功積封至安武縣公

侯莫陳相代人以從神武起兵積封至白水郡公後進爵王

子晉貴嗣

薛孤延代人從神武起兵積封至都昌縣公

斛律羨奉太安人以戰功封至密縣侯 子孝邕嗣

王則太原人以功封太原縣伯

慕容紹宗太原王恪之後以軍功封王恪之後以討侯景功進

封燕郡公 子三藏嗣

叱列平代郡西部人以軍功封瘦陶伯 子孝冲嗣

步大汗落代郡西部人以軍功積封至義陽郡公

薛修義河東汾陰人以軍功封正平郡公 子文殊嗣

慕容儼鹿之後以征伐功積封至義安王

潘落廣寧石門人以軍功積封至金門郡公 子晃嗣

彭樂安定人以戰功積封至陳留王後謀反誅

暴顯魏郡人以功積封至定陽王

皮景和琅邪下邳人以征伐功積封至廣漢郡公 子信机嗣

綦連猛代人以軍功積封至山陽王

元景安河南洛陽人本魏昭成之裔以軍功封歷陽郡王

孤獨永業中山人以功封臨川王

鮮于世榮漁陽人以軍功封義陽郡王及周師取齊不屈見殺

傳伏大安人以軍功封永昌郡公齊亡後入周為岷州刺史

孫騰咸陽石安人神武時乃以親信積封至石安縣公 子鳳

珞嗣

高隆之洛陽人以功封夏陽王 子子遠嗣

司馬子如河內温人魏節閔時以功封陽平郡公後以翼贊功

封須昌郡公 子消難嗣

竇泰太安捍殊人以軍功封廣阿子後戰沒 子孝敬嗣

尉景善無人以從神武起兵功封博野縣公後追封長樂王

子黎嗣 世辯

婁昭代郡平城人武明皇后母弟封濟北公後追封太原王

子仲達嗣

定遠昭次子封臨淮郡王

獻昭几子封東安王

盧狄于善無人以從神武起兵封廣平郡公後封章武郡王

子士文嗣

韓軌太安狄郡人以軍功封德安郡公 子晉明嗣

封

卷之三十三

七

段榮武威姑臧人以功封姑臧縣侯 子韶嗣以功進爵平原郡王 子懿嗣

孝言韶弟封霸城縣侯

斛律金朔州敕勒部人魏孝莊時賜爵阜城男後以佐命功封咸陽郡王 子光嗣後主時祖珽譖而殺之

陳元康廣宗人以掌機密封安平子 子善藏嗣

杜弼中山曲陽人文宣受禪以功封長安縣伯

張纂代郡平城人神武時以參丞相軍事封武安縣伯

張亮西河隰城人以參軍事封安定縣男

張曜上谷昌平人天保初封都鄉男

平鹽燕郡薊人以軍功封西平縣伯 子敬嗣

唐邕太原晉陽人天保初封廣漢鄉男

元文遙河南洛陽人孝昭時以典機密封永樂縣伯

趙隱南陽宛人為神武功曹世掌機密積封至宜陽王

馮子琮長樂信都人後主時封昌黎郡公

魏蘭根曲陽人神武初封鉅鹿縣侯 長子相如嗣

趙猛太安那人姊為齊文穆皇后神武時以預義功封信都縣伯

胡長仁安定臨涇人武成后長兄後封隴東郡王後為和士開

所殺

馬敬德河間人為後主師傅後追封廣漢郡王

張景仁濟北人工草隸為後主侍書封建安王

張華原代郡人神武時以功積封至新城公 子宰均嗣

由吾道榮琅邪沐陽人文宣時以術封沐陽縣公

顏惡頭章武郡人神武時以術封安夷縣公

信都芳河間人以筮術封長城縣子

附錄

文獻通考卷三百七十四

六

崇禎二年重刊

陸法和不知何許人梁元帝時助討侯景有功梁亡入周後入齊文宣封為安湘郡公

郭秀范陽涿人齊神武時以恩倖封壽陽伯

和士開清都臨漳人後主時以權倖封淮陽郡王後為琅邪王儼所殺

儼所殺

穆提婆漢陽人後主時以恩倖封城陽郡王

高阿那肱無善人後主時以恩倖封淮陽郡王

韓鳳昌黎人後主時以恩倖封昌黎郡王

後周制封爵郡縣亦有公侯伯子男五等爵者皆加開國授柱

國大將軍開府儀同者並加使持節大都督皇弟皇子置友及

學士等員外餘史闕文

周宗室王公

邵惠公顯文帝長兄保定初追封

子什肥嗣

胄後為楊堅所殺

導顯子以功封饒陽縣伯 子廣追封蔡國公

洽後為楊堅所殺

護顯子以功積封至中山公周受禪封晉國公秉政後以專

權為武帝所誅

杞簡公連以戰歿保定初追封

子元寶

亮

椿為楊堅所殺

莒莊公洛為爾朱榮所殺保定初追封

子菩薩

至 賓

貢

虞國公仲德皇帝從父兄保定初追封

子興嗣

洛隋受禪為弁公

廣川公測文帝族子以從魏孝武西遷封

子該嗣

深測弟以功積封至長樂侯

子孝伯嗣

後為天元所殺

歆

東平公神舉文帝族子初以從孝武入關封城陽縣公後為天

元所殺 子同嗣

慶神舉弟以戰功封汝南郡公

子靜亂

協

衛刺王直文帝子建德三年封後坐反誅

封建

文獻通考卷三百七十四

七

崇禎三年重刊

齊煬王憲文帝子建德三年封後為天元所殺

趙王招文帝子建德五年封後為楊堅所殺

譙孝王儉文帝子建德時封 子乾暉嗣為楊堅所殺

陳王純文帝子建德三年封

越王野文帝子建德三年封

代王達文帝子建德三年封

冀王通文帝子建德三年封

滕王迥文帝子建德三年封 以上並為楊堅所殺

紀厲王康孝閔帝子建德三年封後坐罪死 子湜嗣為楊堅所殺

畢王賢明帝子 鄴王貞明帝子

漢王贊武帝子 秦王贊武帝子

曹王允武帝子 道王充武帝子

蔡王先武帝子 荆王元武帝子

萊王衍宣帝子 以上並為

堅所殺

周列侯

寇洛上谷昌平人以從入關及戰功積封至京兆郡公 子和

嗣

趙貴天水南安人以迎周文積功封至楚國公後為宇文護所

殺

善貴從祖兄以翊戴周文功封襄城縣公

李賢隴西成紀人以功封上邽縣公 子端嗣

詢端族孫武帝時以軍功封高平郡公 子元方嗣

崇詢弟以父賢功封迴樂縣侯 子敏嗣

穆賢弟以從迎魏孝武功封永平縣子後進安武郡公 子

筠嗣

封

主委

梁禦安定人以戰功積封至廣平郡公 子睿嗣 洋

李弼隴西成紀人以征伐功積封至趙國公 子暉嗣

行暉弟以功封真鄉公 子仲威嗣

編衍弟封河陽郡公 子長雅嗣

曜弼子封邢國公 子寬嗣 密

標弼弟以戰功封晉陽公 子椿嗣改封河東郡公

宇文貴昌黎大棘人以戰功封許國公 子善嗣

忻善弟以戰功封興國縣公隋文時以功進封英國公

愷忻弟封安平公

侯莫陳崇代武川人以戰功積封至梁國公 子芮嗣

王雄太原人以戰功武威郡公 子謙嗣

王盟德皇后之兄封魏昌縣公 子勵嗣 誼

孤信雲中人以從魏孝武入關功進爵浮陽郡公 子善嗣

竇熾扶風平陵人以征伐功積封至鄧國公 子茂嗣 榮定

毅 賢 德 藏

賀蘭祥武川人以功積封至涼國公 子敬嗣

叱烈伏龜伏郡西部人以從征伐功封長樂縣公 子椿嗣

閻慶河陰人以功積封至大安郡公 子毗嗣 雄

權景宣天水顯親人以征伐功積封至千金郡公 子如璋嗣

王羆京兆霸城人以戰功封扶風郡公 子慶遠嗣 述 謨

王思政太原祁人以軍功積封至太原郡公後戰敗陷於東魏

子康嗣

尉遲回代人以征伐功封蜀國公宣帝崩楊堅輔政將圖篡奪

回舉兵討堅不克死之

王軌太原祁人以功積封至郊國公後為天元所殺

文獻通考卷三百三十四

九

周惠達文安人周文時以府司馬積封至文安公

蘇綽武功人文帝時以輔佐功封美陽縣公 子威嗣隋時封

郿公

椿綽弟以軍功封美陽子後進爵侯 子植嗣

亮綽從兄以功封臨涇縣子 子師嗣

韋叔裕京兆杜陵人以征伐功積封至郿國公 子摠嗣

子以父功封永安縣侯 子保巒嗣

子以征伐功封衛國縣公後進郡公 子協嗣

弟以擊尉遲回功封武威縣公

冲藝弟封安固縣侯

韋瓊京兆杜陵人周時封長安縣男隋初以定策功進封普安

郡公

柳檢河東解人以軍功封萬年縣子後戰沒 子斌嗣 祚

慶捨弟以功封平齊縣公 子機嗣 述

達奚武代人以軍功封高陽郡公 子震嗣

若十惠代武川人周文初興以翊戴功積封至長樂郡公 子

鳳嗣

怡峯遼西人以戰功封華陽縣公 子昂嗣

劉亮中山人以軍功封至長廣公 子昶嗣

王德代武川人以翊戴功封至河間郡公 子慶嗣

赫連達勃勃之後魏孝武入關以奉迎功積封至魏昌公 子

遷嗣

韓果代武川人以戰功封褒中郡公 子明嗣

蔡祐陳留圉人以戰功封至懷寧郡公 子正嗣

常善高陽人以政績封末陽郡公 子昂和嗣

封

之次

十

辛威隴西人以戰功積封至宿國公 子永達嗣

梁椿代人以戰功封清陵郡公 子明嗣

梁臺長池人以翊戴功封中部縣公

田弘高平人以戰功封鴈門郡公 子仁恭嗣

王傑金城直城人以戰功積封張掖郡公

王勇代武川人以戰功封新陽郡公 子昌嗣

宇文虬代武川人以戰功封南安侯

耿豪鉅鹿人以戰功封平原公 子雄嗣

高琳其先高麗人以戰功封健為郡公 子儒嗣

李和朔方巖鹿人以功封永豐縣公 子徹嗣

伊婁穆代人以戰功封平陽縣公 子豐嗣

劉雄臨洮子城人以功封趙郡公 子昇嗣

侯植其先上谷人以戰功封肥城縣公 子定嗣

李延孫伊川人以戰功封華山郡公 子人傑嗣

韋祐京兆北山人以戰功封固安縣公 子初嗣

陳欣宜陽人以戰功封許昌縣公 子萬敵嗣

魏玄其先任城人以從魏孝武入關功封廣宗縣公

泉仙丘洛豐陽人以戰功封上洛郡公 子貞嗣 順

李遷哲安康人本仕梁後以軍敗降立功封安康郡公 子敬

猷嗣

楊乾運興勢人本仕梁來降封安康郡公 子端嗣

扶猛上甲黃土人本仕梁來降封臨江縣公

楊雄上洛邑陽人以從孝武西遷功積封至魯陽縣公 子長

寬嗣

席固其先安定人本仕梁以衆來歸封新豐縣公 子雅嗣

任果南安人本仕梁以衆來附封樂安縣公

封

文

上

崔彥睦清河東武城人以功封于乘縣侯隋時進封東郡公
子君綽嗣

楊纂廣寧人以戰功封東陽縣侯後進爵為公 子睿嗣

段末其先遼西石城人以功進封至廣城郡公 子岌嗣

令狐整燉煌人以功進封至彭城縣公 子鳳嗣

唐瑾北海平壽人以從平江陵功進封臨淄縣公 孫大智嗣

柳敏河東解縣人以從積封至武德郡公 子昂嗣

王士良太原晉陽人以功積封至廣昌郡公 子德衡嗣

豆盧寧昌黎徒河人魏孝武時以奉迎功積封至楚國公 子

勣嗣 毓 願師 通 寬

楊紹弘農華陰人以戰功積封至儻城郡公 子雄嗣

達雄弟封遂寧縣子

王雅新固人以戰功封居庸縣伯 子世積嗣

韓雄河南東垣人以戰功積封至新義郡公 子擒虎嗣隋時
以平陳別封壽光縣公 世諤

僧壽擒虎弟隋初以功封昌樂縣公

洪僧壽弟以破尉回功封其棠縣侯

賀若敦河南洛陽人其先居漠北為部落大人敦西歸周文積

封至武都郡公後為晉公護所殺 子弼嗣以平陳封宋國公

誼敦弟周時封霸城縣子 子舉嗣

申徹魏郡人以迎魏孝武功積封至博平公 子康嗣

陸通吳郡人宋武平秦時沒關中以從平盜功積封至綏德郡

公

暹通弟積封至中都縣公 子操嗣

庾狄時代人以奉使和蠕蠕封高邑公 子燾嗣

楊存秦郡寧夷人以奉迎孝武功積封至清水公 子淹嗣

趙剛河南各陽人以復東荊州功積封至浮陽郡公 子元卿
嗣 世弘

趙起天水南安人以戰功積封至長樂郡公

王悅京北藍田人以戰功積封至河北縣公 子康嗣

趙文表天水人以使突厥迎皇后功封伯陽縣伯 子仁海嗣

元定河南洛陽人以戰功積封至長湖郡公 子樂嗣

楊樹正平高涼人以戰功封至華陽縣侯

韓褒潁川潁陽人周文帝時以參丞相府參軍封三水縣侯

子繼伯嗣

趙肅河南洛陽人以運糧功封清河縣子 子軌嗣

張軌濟北臨邑人以從征伐功封壽河縣子

李彥梁郡下邑人以功積封至平陽公 子昇明嗣

郭彥太原曲陽人周文帝時為相府西曹封龍開縣伯

梁昕安定烏氏人以功封胡城縣伯

皇甫璠安定三水人以功封長樂縣子

辛昂隴西狄道人以功封繁昌縣公

王子直京兆杜陵人以從孝武西遷功封山北縣男

杜杲京兆杜陵人以奉使江南稱旨封義興縣公

呂思禮東平壽張人以從擒竇泰功進爵為侯

冀雋太原陽邑人周文平侯莫陳悅時以功封長安縣男後加

至昌樂侯

辛彥之隴西狄道人周受禪以掌議儀制封五原郡公

何妥西城人周天元時封襄城縣侯隋受禪進爵為公

王褒琅邪臨沂人初仕梁元帝梁亡入周後封石泉縣子

庾信南陽新野人初仕梁梁亡入周積封至義城縣侯 子立

嗣

十一

文獻通考卷三百三十四

十三

崇禎三年重刊

顏之推琅邪臨沂人周時以太子侍讀天元卽位封平陽縣公
隋時進鉅野郡公

梁彥光安定烏氏人以從平齊功積封至華陽郡公

樊叔略陳留人以從平齊功封清鄉縣公隋時進爵安定縣公

燕榮弘農人以從平齊功封高邑縣公

蔣昇楚國平河人以功封高城縣子

隋開皇中制國王郡王國公郡公縣公侯伯子男凡九等樊子蓋進爵封為濟公言其公濟天下持為立名無此郡國至煬帝唯留王公侯三等餘並廢之

皇伯叔昆弟皇子是為親王及大長公主長公主皆置官屬親

王置師友文學長史司馬咨議掾主簿錄事功曹記室戶倉兵

騎法士等曹參軍東西閣祭酒參軍事典籤等員嗣王則無師

友諸王以下皆置官屬各遞減煬帝更令王府參軍為諸司書佐屬參軍則

直以屬為名改國令為家令餘以國為名者皆去之諸公主各置

家令丞主簿謁者舍人等員郡主唯無主簿

隋宗室王

蔡景王整隋文帝次子周武帝戰死時受禪追封子智積嗣

滕穆王瓚文帝弟帝受禪封子綸嗣煬帝時廢徙珠崖後歸

唐封懷化縣公

誅綸弟襲封滕王隋末為宇文化及所殺

道宣王嵩文帝弟周時蚤卒隋初追封子靜嗣世澄

衛昭王爽文帝弟帝受禪封子素嗣煬帝時坐罪廢徙不知

所終

河間王弘文帝從祖弟周時從帝征伐委以腹心受禪封子

慶嗣後降李密王世充歸唐封郟國公

義城公處綱文帝族父周時以軍功封其父隋受禪處綱嗣爵

房陵王勇文帝長子初立為太子後廢為庶人為煬帝所殺追

封建

之武通卷三百七十四

古

封房陵王

長寧王儼

平原王裕

安成王筠

安平王焜

襄城王恪

高陽王詵

建安王韶

潁川王暉

廢後悉為煬帝所殺

俱勇子勇敗俱坐

秦王俊文帝子開皇元年封

子浩嗣字文化及弒煬帝立浩為帝尋殺之

蜀王秀文帝子開皇元年封後坐罪廢為庶人後為字文化及

所殺并其諸子

漢王諒文帝子開皇元年封煬帝即位坐反誅

晉王昭煬帝長子仁壽初封煬帝即位立為皇太子後薨

代王侑昭長子唐高祖入關立之後禪于唐崩諡恭帝

燕王倓昭次子字文化及弒煬帝并遇害

越王侗昭幼子二世充立之於東都世充篡遇害

齊王暕煬帝子開皇中立後為字文化及所害

趙王杲大業九年封後為字文化及所害

隋列侯

高熲渤海脩人文帝輔政封義寧縣公後以平陳功封齊國公

煬帝即位坐訕謗誅

牛弘安定鵠鄆人周時襲封臨涇公

李德林博陵安平人隋文受禪以佐命功封安成縣子

梁士彥安定烏氏人周時以平齊功封邕國公隋初坐反誅

元諧河南洛陽人文帝受禪以舊恩封樂安郡公後坐罪誅

虞慶則京兆櫟陽人開皇初以討突厥功封彭城郡公

元胃河南洛陽人文帝受禪以腹心佐命封武陵郡公煬帝時坐事死

封

文法百卷卷三百五

七

達奚長儒代人文帝受禪以佐命功封斬郿公

賀婁子幹代人以討尉遲回功封鉅鹿郡公 子善柱嗣

史蕙歲京兆杜陵人以戰功封太平縣公後坐事誅 子懷義

嗣

劉方京兆長安人以戰功贈盧國公 子通仁嗣

杜彥雲中人以討尉遲回功封襄武縣公 子虔實嗣

周搖河南洛陽人以戰功封嶼國公

獨孤楷不知何許人以戰功積封至汝陽郡公

乞伏慧鮮卑人以破尉遲回功封西河郡公

張威不知何許人以戰功積封至晉熙郡公

和洪汝南人以破尉遲回功封廣武郡公

陰壽武威人以功封趙郡公 子世師嗣

楊義臣代人以舊恩封秦興公

劉昉望都人以佐命功封舒國公後坐反誅

柳裘河東解人周時以功封昌樂公 子惠童嗣

皇甫績安定朝那人以佐命功封義陽郡公 子偲嗣

郭衍太原介休人周時封武強縣公煬帝即位以預奪嫡謀封

真定侯

楊汪弘農華陰人以功封平鄉縣伯

趙暉天水西人文帝受禪以進壘紱功封金城郡公 子義臣

嗣

趙芬天水西人周時封淮安縣男 子元恪嗣

王韶太原晉陽人周時以平齊功封晉陽縣公帝受禪改封項

城郡公 子士隆嗣

元巖河南洛陽人周時封昌國縣伯帝受禪進封平昌郡公

子弘嗣

討建

六代通考卷二百三十一

七

崇禎四年重刊

宇文弼河南洛陽人周時為濟陽侯隋受禪進爵為公 子傑

李圓通京兆涇陽人少賤給事文帝家帝受禪以佐命功封萬安縣公 子孝常嗣

郭榮太原人周時以軍功封平陽縣男文帝受禪以龍潛舊人進爵蒲城郡公

龐晃榆林人周時襲爵比陽侯文帝受禪以舊人進爵為公 子安狄道人以佐命功封趙郡公 子瓊嗣

楊尚希弘農人周時為高都侯文帝受禪進爵為公 子旻嗣

張斐河間鄭人周時封北平縣伯文帝受禪進爵為侯 蘇孝慈扶風人周時封臨水縣公隋初進爵安平郡公 子康嗣

元壽河南河陽人周時封隆城縣公

段文振北海期原人周時襲國縣公

來護兒南陽新野人以平江南功封襄陽縣公後為宇文化及所害

樊子蓋廬江人以平陳功封上蔡縣伯

周羅暉九江尋陽人本陳將陳亡乃降後以擊突厥功封義寧郡公

周法尚汝南安城人本仕陳後降周封歸義縣公以戰功封譙郡公

衛玄河南洛陽人周時襲爵吳勢公隋文受禪封同軌郡公 劉權彭城豐人以平陳功封宋城縣公

李景天水休官人隋初封冠縣公煬帝時以擊高麗封滑國公 李諤趙郡人文帝受禪封南和伯

鮑宏東海鄭人周平齊以功封平遙縣伯隋初進爵為公

梁毗安定烏氏人周時封易陽縣子隋初進爵為侯

杜整京兆杜陵人周時以平齊公封平原縣公隋初進爵長廣郡公 子楷嗣

張定和京兆萬平人以破突厥功封武安縣侯

張瀚清河東武城人以從平陳功封文安縣子

麥鐵杖始興人遼東之役戰死贈宿國公 子孟才嗣

權武天水人周時以父戰死襲封齊郡公

吐萬緒代郡鮮卑人周時襲爵元壽縣公隋文受禪進穀城郡公

董純隴西成紀人周時以平齊封大興縣侯後從平漢王諒進爵郡公後坐罪死

王辨馮翊蒲城人以從平漢王諒功封武寧縣男

陳稜廬江襄安人以破楊玄感功封信安侯

宇文述代郡武川人周時以軍功封江陵郡公後以平尉遲國

功進封褒國公 子化及嗣

智及以父功封漢陽郡公後並以江都弒煬帝僭立為竇建

德所誅

王世充本西域胡人煬帝時為東都留守帝遇弒世充奉越王

侗為主封世充鄭國公後篡立鄭唐討平之

蕭該蘭陵人梁鄱陽王恢之孫開皇初封山陰縣公

王頒太原祁人僧辯之子開皇初以平蠻功封虢丘縣公

劉弘彭城人以從平陳功封護澤縣公 子長信嗣

盧楚涿郡范陽人越王侗時封涿郡公王世充篡楚不從死之

來和京兆長安人周時以相術封洹水縣男隋受禪進爵為子

文獻通考卷之二百七十五

宋鄱陽 馬端臨 貴與 著
明漸陽 馮天馭 應房 校刊

封建考
唐高祖受禪以天下未定廣封宗室以威天下皇從弟及姪年
始孩童者數十人皆封為郡王太宗即位因舉屬籍問侍臣曰
封宗子於天下便乎尚書右僕射封德彝對曰不便歷觀往古
封王者今日最多兩漢以降唯封帝子及親兄弟若宗室疎遠
者非有大功如周之郇滕如漢之賈澤並不得濫叨名器所以
別親疎也先朝敦睦九族一切封王爵命既崇多給力役蓋以
天下為私殊非至公馭物之道也太宗曰然朕理天下本為百
姓非欲勞百姓以養己之親也於是率以屬疎降爵唯有功者
數人得王餘並封為縣公

貞觀二年太宗以宇內晏清思以致理謂公卿曰朕欲使子孫

長久社稷未固其理如何尚書右僕射宋國公蕭瑀對曰臣觀前代國祚所以長久者莫不封建諸侯以爲磐石之固秦并六國罷侯置守二世而亡漢有天下參建藩屏年踰四百魏晉廢之不能永久封建之法實可遵行上然之始議求封列土之制禮部侍郎李伯藥論曰周氏以監夏殷之長久遵黃唐之並建維城磐石深根固本雖王綱弛廢而枝幹相持故使逆節不生宗祀不絕秦氏背師古之訓棄先王之道翦華特險罷侯置守子弟無尺土之邑光熙罕共理之憂故一夫號澤七廟廢祀臣以爲自古皇王君臨宇內莫不受命上玄飛名帝錄締構遇興王之運殷憂屬啓聖之期雖魏武攜養之資漢高徒役之賤非止意有覬覦推之不能去也若其獄訟不歸菁華已竭雖帝堯之光被四表大舜之上齊七政非止情有揖讓守之亦不可固焉以放勳重華之德尚不能克昌厥後是知祚之長短必在天

時政或盛衰有關人事宗周上世三十年七百雖淪胥之道斯極而文武之器猶在斯則龜鼎運祚已懸之於杳冥也至使南征不返東遷避逼禮祀如綫郊畿不守此乃陵夷之漸有類於封建焉暴秦運此閏餘數鍾百六受命之主德典禹湯繼世之君才非啓誦借使李斯王綰之輩咸開四履將聞子嬰之從俱啓千乘豈能逆帝王之勃興抗龍顏之祚命者也然則得失成敗各有由焉而著述之家多守常轍吳不情忘今古理蔽澆淳欲以百王之季行三代之法天下五服之內盡封諸侯王畿千里之間俱爲采地是則以結繩之化行虞夏之朝用象刑之典理劉曹之末缺軀求劍未見其可膠柱成文彌所多惑徒知問鼎請隧有懼霸王之師白馬素車無復藩籬之援不悟望夷之豐未甚乎泥之災復思高貴之殃寧異申縉之酷此乃欽明昏亂自繫安危固非守宰公侯以成興廢且數代之後王室浸

微始自藩屏化為仇敵家殊俗異政強凌弱暴寡疆場彼
此干戈侵伐狐貍之役女子盡鬻嶠陵之師隻輪不返斯蓋略
舉一隅其餘不可勝數陸士衡方規規然云嗣王委其九鼎凶
於據其大邑天下晏然以理待亂斯言之謬也而設官分職任
賢使能以循良之才膺共理之寄刻舉分竹何代無人至使地
或呈祥天不愛寶人稱父母政比神明曹元首方區區然稱與
人共其樂者人必憂其憂與人同其安者人必拯其危豈容委
以侯伯則同其安危任之牧宰則殊其憂樂何斯言之妄也封
君列國藉慶門資忘尤業之艱難輕自然之崇貴莫不代增淫
虐時益驕侈離宮別館切漢凌雲或刑人力而將盡或召諸侯
而共樂陳靈則君臣悖禮共侮微舒衛宣則父子聚麀終誅壽
朔乃云為已思理豈若是乎內外群臣選自朝之擢士庶以任
之澄水鏡以鑒之年然其階品考績明其黜陟爵非代及用

之之路斯廣人無定主附下之情不固此乃愚智所辨安可惑
哉至如滅國殺君亂常干紀春秋二百年間略無寧歲次睢咸
秩遂用玉帛之君魯道有蕩每等衣裳之會縱西漢哀平之際
東漢桓靈之時下吏淫暴必不至此為政之理可以一言蔽焉
陛下獨照宸衷永懷前古將復五等而修舊制建萬國而親諸
侯竊以漢魏以還餘風之弊未盡勛華既往至公之道斯革請
待珍璫成朴以質待文刑措之教一行登封之禮云畢然後定
疆理之制議山河之賞未為晚焉中書侍郎顏師古論封建表
曰伏聞前年陛下親發聖慮特降明勅博問卿士議欲封建既
合事宜實惟理要然而議者不一各執異端或欲追法殷周遠
導上古天下之地盡為封國庶姓羣官皆錫茅社或云凋弊之
後人稀土曠封建之事普未可行此皆不臻至理兩失其衷臣
愚以為當今之要莫不量其遠近分置王國均其戶邑強弱相

濟畫野分疆不得過大間以州縣雜錯而居互相維持求無傾
奪使各守其境而不能爲非協力同心則足扶京室陛下然後
分命諸子各就封之爲置官僚皆一省選用法今之外不得擅
作威刑朝貢禮儀具爲條式一定此制萬代永久則狂狡絕暴
慢之心本朝無怵惕之慮特進魏徵議曰臣聞三代之利建藩
屏保入皇家兩漢之大啓山河同獎王室故楚國不恭齊相有
齊陵之舉諸呂構難朱虛奮此軍之謀九鼎危而復安諸侯傲
而還蕭比夫秦之孤立子弟爲匹夫魏氏虛名藩扞若圉圉豈
可同年而語哉至於同憂共樂之談百足不僵之義曹叅六代
陸機五等論之詳矣陛下發明詔封五等事雖盡善時卽示違
何也自隋氏亂離百殃俱起黎元塗炭十不一存始蒙敷至仁
以流玄澤沐春風而霑夏雨一朝棄之爲諸侯之隸衆心未定
或致逃亡其未可一也旣立諸侯當建社廟禮樂文物儀衛左

右頓闕則理必不安粗修則事有未暇其未可二也大夫卿士
咸資祿俸薄賦則官府困窮厚斂則人不堪命其未可三也王
畿千里地稅不多至於貢賦所資在於侯甸之外今若並爲國
邑京師府藏必虛諸侯朝宗無所取給其未可四也今燕秦趙
代俱帶蕃夷黠羌旅拒匈奴未滅追兵內地遠赴邊庭不堪其
勞將有他變難安易動悔或不追其不可五也原夫聖人舉事
貴在相時時或未可理資通變敢進芻蕘之議惟明主擇焉
六年監察御史馬周上疏曰伏惟詔書令宗室勳賢作鎮部貽
厥子孫嗣守其政非有大故則無黜免臣竊惟陛下封之者誠
愛之重之欲其胤裔承守而與國無疆也臣以爲如詔旨者陛
下思所以安存之富貴之然後使其爲世官也何則以堯舜之
父而有朱均之子倘有孩童嗣職萬一驕愚則兆庶被其殃而
國家受其敗正欲絕之則子文之理猶在正欲留之而樂賢之

惡已彰與其毒害於見存之百姓則寧使割恩於已亡之一臣
明矣則向所謂愛之者乃適所以傷之也臣謂宜賦以茅土疇
其戶邑必有才行隨器方授則雖其翰翮非強亦可以獲免尤
累昔漢光武不任功臣以吏事所以終全其代者良得其術也
願陛下深思其宜使夫得奉大恩而子孫終其福祿也

十一年詔曰設官司以制海內建藩屏以輔王室莫不明其典
章義存於至理崇其賢戚志在於無疆者也今採按部之嘉名
參建侯之舊制共理之職重矣分土之實存矣已有詔書存其
至理繼世垂範貽厥後昆維城作固同符前列荊州都督荆王
元景涼州都督漢王元昌徐州都督徐王元禮潞州都督韓王
元嘉遂州都督彭王元則鄭州刺史鄭王元懿絳州刺史霍王
元軌虢州刺史號王元鳳豫州刺史道王元慶壽州刺史舒王
元名鄧州刺史鄧王元裕幽州都督幽王靈夔蘇州刺史許王

元祥安州都督吳王恪相州都督魏王恭齊州都督齊王祐益
州都督蜀王愔襄州刺史蔣王暉揚州都督越王正并州都督
晉王治秦州都督紀王慎等或地居且誦夙聞詩禮或望乃閭
平早稱才藝並爵崇土宇寵兼車服誠孝之心無忘於造次風
政之譽克著於朞月宜冠藩垣胙以休命其所署刺史咸令子
孫世世承襲

十一年又以司空長孫無忌為趙州刺史改封趙國公尚書左
僕射房玄齡為宋州刺史改封梁國公司空杜如晦為密州刺
史封萊國公特進李靖為濮州刺史改封衛國公特進高士廉
為申州刺史改封申國公趙郡王孝恭為觀州刺史改封河間
郡王同州刺史尉遲敬德為宣州刺史改封鄂國公光祿大夫
李勣為蘇州刺史改封英國公左驍衛大將軍程知節為普州刺史改封盧
刺史改封褒國公右領軍大將軍程知節為普州刺史改封盧

國公兵部尚書侯君集為陳州刺史改封陳國公任城王道宗為鄂州刺史改封江夏郡王太僕卿劉弘基為朗州刺史改封夔國公金紫光祿大夫張亮為澧州刺史改封鄖國公詔曰周武定業胙茅土於子孫漢高受命誓帶礪於功臣豈止重親賢之地崇其典禮抑亦固磐石之基寄以藩翰但今之刺史古之諸侯雖立名不同而監統一也故申命有司斟酌前代宣條委共理之寄象賢存代及之典司空無忌等並策名運始功參締構即令子孫世世承襲非有大故無或黜免餘官食邑並如故其後無忌將之國情皆係戀不願是行辭不獲免謬出怨言以激上怒曰臣披荆棘以事陛下今海內寧一乃令世牧外州復與遷徙何異因上表固讓太宗謂之曰割地以封功臣古今之通義也意欲公之枝葉翼朕子孫長為藩翰傳之永久情在此耳而公等薄山河之誓發言怨望朕亦安可強公以土宇耶太

子左庶子于志寧以今古事殊恐非久安之道上疏爭之竟從志寧議

劉秩政典曰自漢以降雖封建失道然諸侯猶皆就國今封建子弟有其名號而無其國邑空樹官僚而無蒞事聚居京輦食租衣稅國用所以不足也

按文中子後序言太宗嘗讀周官辨方正位體國經野設官分職以為民極之言慨然嘆曰不井田不封建不足以及三代之治然則詔羣臣議封建必是時事也後之儒者往往追恨當時諸臣不能將明英主之美意使生民復見三代之治以為遺憾嘗竊論之以為必能備九古今之事情然後可以斷其議論之是非法制之得失蓋封建一事漢以來未嘗廢也然行之輒利少而害多其故有二一則不能存三代之公心二則不能存

三代之良法公心者何昔文武成康之衆建諸也有德
 有功者則畀之初未嘗尊以私其宗親雖曰兄弟甥舅
 之邦然所封皆極一時之選若其末賢則微子尹東夏
 蔡仲君蔡邦雖仇讐不廢也若其不賢則管蔡為戮五
 叔無官雖同氣不怨也至漢則且私且忌故始則勦滅
 異代所建國而盡以畀其功臣繼則勦滅異姓王而盡
 以畀其同宗又繼則勦滅疎屬劉氏王而盡以畀其近
 親而其所建置若薄若厚之徒初無功德足以君國子
 民特以其近親而王之故不旋踵而犯上作亂墟其國
 而殞其身矣蓋有先王之公心則其敵不至於此良法
 者何昔先王之建邦也此有方伯連率下有公侯伯子
 男小大相維尊卑相制如公侯受封之地雖多而制祿
 不過十倍其卿成國不過半天子之軍名山大澤之

封必賜弓矢然後征必賜圭瓚然後鬯有巡守有述職
 有慶有讓綱紀未嘗一日墮也若漢初諸侯王則畀以
 大城名都連數千里未嘗為之分限山澤蓄積在其國
 者不領於天子之大農五嶽四瀆在其國者不領於天
 子之祠官故為諸侯者一受封之後即自負其富強摘
 山海招納亡命名爵人赦死罪天子不能訶謀臣不
 敢議所以縱恣之者如此及其武之後則作佐官之律
 嚴附益之法吹毛求疵積毀消骨所以猜防之者復如
 此蓋方其縱恣也則畏之有同乎敵國及其猜防也則
 抑之不啻如誦徒矣蓋有先王之良法則其弊不至於
 此由漢而來有天下者未嘗不王其昆弟子姓而名之
 曰封建然其得失與漢無以大相遠蓋其初也惟格私
 其宗親未嘗有擇德而授之意故有國者不皆可使南

面之人而復不能固結恩義歸律之以法度故仁恕者則流於縱恣而晉定也剋核者則過於倚防曹魏是也而晉魏皆緣是以亡是豈封建談之哉先王之意之法不存而強慕美名以適足以為禍亂之階耳唐太宗亦好名之主然審善量已固自不能存帝王之心而行帝王之事矣故刺世之詔不久而遂停而當時諸臣雖以魏鄭公之心亦以為事雖至善時即未違而有五不可之說蓋其反之審矣如顏師古之議欲封建與郡縣並行王侯與守令錯處則漢初已嘗如此至景帝今諸侯王不得治民補吏而漢置內史以治其地則封建之地悉為郡縣矣蓋古之所謂諸侯即後之所謂守令然自漢中葉以後王侯之與守令始判然為二承流宣化而實有治八之責者守令也食租衣稅而但襲茅

土之封者王侯也令欲並建則凡王侯受封之地必盡廢內史之官即付之兵民之任而後可但恐恣縱專擅犯上作亂復如漢初之事容之則廢法而貽子孫之深憂誅之則傷恩而失封建之初意矣又况魏晉以後王侯多是虛封有三分食一四分食一五分食一者又有非其境內之地而遙封者如元魏之以會稽蒼梧建鄴丹陽等郡封其臣為公侯之類是也蓋戶封既為虛名則受封者之俸祿必仰給於縣官而出納之吝有所不能免於是遂有虛食真食之異今欲盡復舊制則王侯受封之地其戶邑之入必合盡捐以予之地既瓜分租賦隨之京師府藏頓鮮無以供軍國之用非君上之利也又王侯於所受封之郡邑既無撫字之責而徒利租賦之入於是一意侵漁不顧怨讟為封戶者甚於征行

非百姓之利也又所謂王侯者非子弟即勳臣素號名
貴人華屋玉食之奉於京師為宜今使之塊處外郡朝
不坐宴不預憂讒畏謫此絳侯之所以恐懼長孫司空
之所以怨望然則又非受封者之利也夫封建者古帝
王所以建萬世之長策今其公心良法一不復存而顧
強希其美名以行之上則不利於君中則不利於臣下
則不利於民而方追咎其不能力行此書生之論所以
不能通古今之變也

唐制皇兄弟皇子為王皆封國之親王龍朔二年制諸王子嫡
下敘其衆子封郡公從五品上敘貞觀中王珪奏曰三品以上
遇親王於途皆降乘違法申敬有乖儀惟太宗曰卿欲自尊而
卑吾子乎魏徵曰自古迄今親王班次三公之下今三品皆親
天子列卿及八座之長為王降乘非王所宜當也詔從之
王府各置官屬王府官屬皆不置領親事帳內二府及國官太
子男封郡王其庶姓卿士功業特盛者亦封郡王自至德元年
至大曆三年

封異姓為王者凡百一十二人其次封國公其人有郡縣開國公侯伯子男之
號亦九等並無官土其加實封者則食其封分食諸郡以租調
給自武德至天寶實封者百餘家自至德二年至大曆三年一
食四萬四千八百一十五戶
六年制王府官以四考為限宗廟俱以貪暴為吏人所患
有授其府官者皆比嶺外荒裔為開元四年三月制諸封國自
武太后天授二年又置皇孫官員開元四年三月制諸封國自
始封至曾孫者其封戶三分減十年加末穆公主封千戶凡
諸王及公主以下所食封邑皆以課戶充州縣與國官邑官共
執文帳准其戶數收其租調均為三分其一入官其二入國公
所食邑則全給焉二十年五月勅諸食邑實封並以三丁為限
不須一分入官其物仍令封隨庸調送入京○親王府置傳一
人師範輔導參議可不初置
王師置雲二年改為傳咨議參軍一人在正幕府
友一人
修撰一人修撰文
東西南祭酒各一人資客長史

唐制皇兄弟皇子為王皆封國之親王龍朔二年制諸王子嫡
下敘其衆子封郡公從五品上敘貞觀中王珪奏曰三品以上
遇親王於途皆降乘違法申敬有乖儀惟太宗曰卿欲自尊而
卑吾子乎魏徵曰自古迄今親王班次三公之下今三品皆親
天子列卿及八座之長為王降乘非王所宜當也詔從之
王府各置官屬王府官屬皆不置領親事帳內二府及國官太
子男封郡王其庶姓卿士功業特盛者亦封郡王自至德元年
至大曆三年

司馬各一人通判功倉屬一人通判功倉主簿一人通判功倉
覆者記室參軍二人宣行教命錄事參軍一人宣行教命曹戶曹兵曹法曹士曹等參軍各一人宣行教命行參軍
四人掌出使及典籤二人宣傳宣傳○親事府置典軍副典軍各二
人掌守衛執仗親事執事執事各十六人供進親事三
百三十三人○帳內府置典軍各三人掌儀衛○帳內六
百六十七人○親王國王以下府國令一人大農二
人通判尉二人辨丞一人監印小吏有差若府主薨則諸府佐
視事帳內過葬追退雖無妻子其國官聽終喪若有襲爵者諸
公主邑司有家令丞錄事各一人並請宗正寺
景龍二年應食封邑者一百四十餘家應出封戶凡五十四
州皆天下膏腴物產其安樂太平公土封又取富戶不在損
免限百姓著封戶者甚於征行十一月河南巡使監察御史

宋務光上疏曰臣聞分珪列土各有方位通邑大都不以封
錫前猷未遠古義亦深自頃命侯稍殊舊式莫居燒瘠專擇
雄奧徐州貢土方色已乖寢丘辭封讓德不嗣且滑州者國
之近甸密邇帝畿地出縑純人多趨射所以列縣惟七分封
有五至賦少於侯租入家倍於輸國求諸既往實所未聞每
科封丁有甚征役因而失業莫返其居此土風逃者舊少頃
日波散良緣封多伏願稍均封戶散配餘州下息疲吐上遵
古制則公侯不失于采地流人得還於故鄉諸州封戶亦望
准此又徵封使者往來相繼既勞傳驛甚擾公私請附租庸
每年送納望停封使以靜下人仍編入新格庶為永例又聞
五等崇榮百王盛典自非邢茅懿戚寇鄧洪勳無以誓彼山
河疇其爵土近者封建頗緣恩澤功無橫草人已分茅遂使
沃壤名藩多人侯國邑收家稅半于天府經費不足蓋亦有

由竊見武德之初建侯故事于時天保新定王業創開德命如雲謀臣如雨然而封者不過十數人今禮樂承平邦家繼世有象賢舊德之裔無野戰攻城之勤至於命封不合全廣論功謝於前業食邑多於往時既滅邊儲實虧國用伏惟酌宗周之前訓咨武德之舊章地匪宗盟勳殊社稷不宜加於實邑自可寵以虛名如此則庶績其凝彝倫攸敘臣忝當廉問備採風謠見此不安豈敢自默知必被封家所疾顧常以報國爲心乞擇愚言訪諸朝宰秋毫有益夕死無憂兵部尚書韋嗣立上疏曰臣竊見食封之家其數甚衆昨聞戶部云用六十餘萬丁一丁兩足計一百二十萬足已上臣頃在太府知每年庸調絹數多不過百萬少則七八十萬以來比諸封家所入全少臣聞自古封茅土列山河皆須美著經綸功申草昧然後配宗廟之享承帶礪之恩往者皇運之初功臣共定天下當食封纔祗三二十家今以恩澤受封百四十家已上國家租賦大半私門私門資用有餘國家支計不足有餘則或致空儲不足則坐致憂危制國之方豈謂爲得封戶之物諸家自徵或是官典或是奴僕多挾勢驕威凌茂州縣凡是封戶不勝侵漁若戶不滿丁物送太府封家但於右藏請受不得輒自徵催則必免侵漁人冀蘇息

愚嘗謂古之諸侯卽後之守令自漢以來始判而爲二爲王侯者於其受封之地實無撫字之責而但利其租食之入於是反爲百姓之患若宋韋二公之疏所言尤詳故備著之

唐諸王

江夏郡王道宗太祖曾孫高祖兄子以從秦王討賊功初封任城王貞觀時更封宋徽初坐罪流象州薨子景恒封盧國公

道興道宗弟初封廣寧郡王後以疏屬降封縣公

永安壯王孝基武德初封二年將兵討劉武周師敗為賊所害

道立兄弟嗣封高平王後降為公

淮陽壯王道玄武德初封後將兵討劉黑闥戰歿 道明以弟

坐罪奪爵

長平肅王叔良武德初封 子孝協初王范陽後降為郟國公 思訓中宗復位

以宗室舊德封隴西郡王

新興郡王德良叔良弟 晉坐罪

長樂郡王幼良德良弟後坐罪賜死

蔡烈王蔚 子安武德 琛 儉降為

河間元王孝恭安子 子崇義嗣國公

濟北郡王城安子武德初封

漢陽郡王瓌安子武德初封後降為公

廬江郡王瑗蔚孫武德初封後坐反誅

淮安靖王神通武德初封 子道彥嗣國公

孝譽神通子初封高密王

孝同神通子初封淄川王

孝慈神通子初封廣平王

孝友神通子初封河間王

孝節神通子初封清河王

孝義神通子初封膠西王 後並降為公

孝逸神通子封梁郡公

襄邑王神符神通弟武德初封 子七人 並封郡王後降為

公

隴西恭王博父世祖孫高祖兄蜀王湛子武德初封

渤海敬王奉慈博父弟武德初封

封建

大德通文卷三百七十五

十一 崇禎五年重刊

右太祖世祖子孫王者

息隱王建成高祖長子帝即位立為太子後為太宗所殺追封
息王

太原王承宗建成長子蚤卒

安陸王承道 河東王承德

武安王承訓 汝南王承明

鉅鹿王承義 俱建成子建成死時並坐誅

衛懷王玄霸蚤薨武德初追封謚 秦 太宗子以嗣保定 宗室西平

王子泰徙封復以保定嗣

巢刺王元吉初封齊王後為太宗所殺追封

梁郡王承業 漁陽王承鸞

普安王承獎 江夏王承裕

義陽王承度 俱元吉子元吉死時並坐誅

楚哀王智雲隋大業末高祖起兵吏捕送長安害之武德初追

封 寬 太宗子 靈龜 福降為 承况 神龍中同節愍

荆王元景武德三年封後坐預房遺愛反謀賜死 長沙侯

湫 復于爵無 子國除

漢王元昌武德三年封後坐預太子承乾反謀賜死國除

鄴悼王元亨武德三年封蚤薨無子國除

周王元方武德四年封貞觀時薨無子國除

徐康王元禮武德四年封 子茂嗣 後坐 罪廢 確 延年 坐罪 國除

諷 再制

韓王元嘉武德四年封武后時坐謀舉兵誅武氏遇害 訥 元

第五子 神龍 初復嗣 叔瓌 煒

彭思王元則武德四年封 絢 以霍 志 疎

鄭惠王元懿武德四年封 子璲嗣 希言

子

子

子

霍王元軌武德四年封武后時坐預謀舉兵廢死

緒元軌子封江都王 暉

純亦元軌子封安定王

號莊王鳳武德六年封 子翼嗣 富 邕 巨

道孝王元慶武德六年封 子誘嗣 微 鍊

鄧康王元裕貞觀五年封 炅 孝先

舒王元名貞觀五年封後為武后所殺 津 萬 藻

曹元名子封豫章王亦為武后所殺 子詵為清

魯王靈夔貞觀五年封後為謀起兵討武氏見害 子詵為清

早天 諱靈夔子為 道堅

江安王元祥貞觀五年封 子焯嗣坐罪 欽

皎元祥子封武陽王 繼宗 子穎嗣 勗 曇 徹

密貞王元曉貞觀五年封 子穎嗣 勗 曇 徹

滕王元嬰貞觀十三年封 子脩琦嗣 涉 湛然

右高祖子孫王者

常山愍王承乾太宗長子武德三年封常山王太宗即位立為

太子後坐謀逆廢為庶人徙黔州死

楚王寬武德三年出後楚哀王蚤薨貞觀初追封

吳王恪貞觀二年封永徽中長孫無忌潛殺之 子仁貶為蠻

中宗反正改王成紀以預誅武三思死 祗 祗 獻

濮恭王恭貞觀二年封 子欣嗣 徽秦次子封

齊王祐武德八年封後坐反廢為庶人賜死

蜀悼王愔貞觀五年封永徽時以吳王恪母弟得罪廢徙俄復

封涪陵 子璠嗣 瑜

蔣王暉貞觀五年封 子煒嗣為武氏所害 紹宗 欽福

越王貞貞觀五年封中宗廢貞起兵討武氏不克死 子冲貞與

封 崇山 年重刊

封

同死開元初

琳

文獻通考卷二百七十五

去

紀王慎貞觀五年封武后時謫死 談 行同

東平王續慎子

義陽王徽慎子為武氏所殺

趙王福貞觀十三年封出後隱太子 思順

晉王明貞觀二十一年封出後巢刺王高宗坐太子賢事廢死

子俊嗣為武氏所殺 胤 賊 皐

右太宗子孫王者

燕王忠高宗長子貞觀二十年封帝即位立為太子後立武后

子弘乃降封王尋為許敬宗所誣賜死

澤王上金永徽初封後為武氏所殺 子義詢 子權神龍 益 湏

許王素節永徽初封後為武氏所殺 子權神龍 益

孝敬皇帝弘永徽六年封代王顯慶元年立為皇太子後為武

后所鳩追謚帝

章懷太子賢始王路後立為太子以忤武后廢死 守禮 承

宗

樂安王光順

捷為王守義 並賢子

右高宗子

懿德太子重潤中宗長子永淳時立為皇太孫中宗失位廢後

封邵王為武氏所殺神龍初追贈

譙王重福高宗時封神龍初為韋后所譖廢徙睿宗立召還至

東都謀作亂不克死

節愍太子重俊聖曆二年封義興王中宗復位立為皇太子後

與李多祥等殺武三思兵敗死睿宗立追謚 子宗暉封湖陽

郡王

封

文獻通考卷二百七十五

去

右中宗

讓皇帝憲睿宗子文明元年立為皇太子後改王壽王又改王
宋玄宗即位徙王寧遠追諡帝子璉封汝陽王

莊憲子封濟陰王

琳憲子嗣寧王

瑀憲子封漢中王

惠莊太子為垂拱三年封恒王開元時薨贈太子 珣 璿

惠文太子範初封鄭王從玄宗誅太平有功開元十四年薨贈

太子 子瑾嗣 珍後坐罪死

惠宣太子業始封趙王後進王薛開元二十二年薨贈太子

瑗業子封樂安王

瑒業子封滎陽王

瑛業子嗣薛王

右睿宗

奉天皇帝侑玄宗子景雲元年封許昌郡王天寶十年薨贈太

子肅宗立諡帝 子休嗣

太子瑛初封真定王開元三年立為皇太子後為武惠妃所構

為庶人賜死寶應初贈太子

儼瑛子封新平郡王

仲瑛子封平原郡王

休瑛子嗣慶王

棣王琰開元二年始封後坐罪以幽死

僖 瑛子

俊 瑛子

僑 瑛子

俊 順

鄂王瑤開元時封二十五年為武惠妃所譖與太子瑛同廢死

靖恭太子琬始王郵徙王榮天寶末薨追諡太子

圭

俯宛子王

偕宛子王

倩瑤子

光王倨開元十三年封二十五年為武惠妃所譖與太子瑛同

廢死

儀王璿開元十三年封

佺璿子王

健璿子王

穎王璿開元十三年封建中時薨

神璿子王

儼璿子王

末王璿開元十二年封至德初謀反兵敗死

儼璿子王

壽王瑁開元十五年封大曆十年薨

俊瑁子王

懷瑁子王

俱瑁子王

延王玢開元十二年封興元初薨

倬玢子王

延玢子王

盛宣王琦開元十二年封廣德二年薨

償琦子王

佩琦子王

濟王環開元十三年封

僚環子王

俛環子王

信王璠開元二十一年封

佟璠子王

侗璠子王

義王玘開元二十一年封

儀玘子王

僂玘子王

陳王珪開元二十一年封

倫珪子王

佗珪子王

豐王珙開元二十一年封廣德初坐罪賜死

寸

文獻通考卷二百七十五

七

崇禎三年重刊

襄王儼至德二載封貞元七年薨

宣 儼子王伊吾

宗 儼子王樂安

杞王倓至德二載封貞元十四年薨

召王偲至德二載封元和元年薨

恭懿太子紹始封興王上元元年薨贈太子

定王侗至德二載封寶應初薨

右肅宗子

昭靖太子邈上元二年封益昌王大曆八年薨贈太子

均王遐早薨貞元中追封

睦王述大曆十年封貞元七年薨

丹王逾大曆十年封元和十五年薨

恩王連大曆十年封元和十二年薨

韓王迥大曆十年封貞元十二年薨

簡王譙大曆十年封元和四年薨

益王迥大曆十四年封

隋王迅大曆時封興元元年薨

荆王選早薨建中二年追封

蜀王溯大曆十四年封

忻王造大曆十年封元和六年薨

韶王暹大曆十年封貞元十二年薨

嘉王運大曆十年封貞元十七年薨

端王遇大曆十年封貞元七年薨

循王通大曆十年封

恭王通大曆十年封

原王逵大曆十年封太和六年薨

雅王逸大曆十年封貞元十五年薨

封

卷三百六

二

右代宗子

舒王誼本昭十太子子德宗取以為子永貞元年薨

通王諶大曆十四年封

虔王諒大曆十四年封

肅王詳大曆十四年封建中二年薨

文敬太子諒本順宗子德宗愛之取以為子貞元初封十五年

薨

資王諶大曆十四年封

代王誼蚤薨建中二年追封

昭王誠貞元二十一年封

欽王諤順宗即位封

孫王誠順宗即位封太和六年薨

右德宗子

郊王經貞元四年封太和八年薨

均王緯貞元四年封開成二年薨

淑王縱貞元四年封開成元年薨

莒王紆貞元四年封太和八年薨

密王綱貞元四年封元和二年薨

郇王總貞元四年封元和三年薨

邵王約貞元四年封元和元年薨

宋王結貞元四年封長慶二年薨

集王緝貞元四年封長慶二年薨

冀王綽貞元四年封太和九年薨

和王綺貞元四年封太和七年薨

衡王絢貞元四年封寶應二年薨

會王纁貞元二十一年封元和五年薨

福王繕貞元四年封咸通二年薨 珍王繕貞元四年封

撫王紘貞元二十一年封乾符三年薨

岳王緄貞元二十一年封太和二年薨

袁王紳貞元二十一年封成通元年薨

桂王綸貞元二十一年封元和九年薨

翼王綽貞元二十一年封咸通三年薨

斷王緝咸通二年封咸通八年薨

欽王績無封薨年

右順宗子

惠昭太子寧貞元二十一年封平原王元和四年立為皇太子

薨

澧王惲憲宗即位封

漢惲子王

源惲子王

演惲子王

深王恂元和初封

潭恂子王

淑王恂

洋王折

始王尚

進王洋

絳王悟元和初封後為王守澄所殺

洙新子王

滂王高

建王恪元和初封長慶元年薨

卿王憬長慶元年封開成四年薨

濤王陽

瓊王悅長慶初封

津悅子王

汜王郇長慶初封

封

卷之三十一

日

瀛 晉陵王

婺王 懌長慶初封

清 新平王

茂王 情長慶初封

憲 武功王

淄王 協長慶初封開成元年薨

澣 許昌王

衡王 儻

涉 晉平王

澶王 悅長慶初封

寧 鴈門王

棣王 惲大中六年封咸通三年薨無子

彭王 勣大中六年封後為韓建所殺

信王 檀大中六年封咸通八年薨

榮王 愆咸通三年封子令平嗣

右憲宗子

懷懿太子 湊長慶元年封漳王後為王守澄陷以罪黜為巢縣

公開成三年追贈

安王 溶長慶元年封後為仇士良所殺

右穆宗子

悼懷太子 普賢曆元年封晉王太和二年薨追贈

梁王 休復開成二年封

襄王 執中開成二年封

宋統中子

紀王 言揚開成二年封

陳王 成美開成二年封後為仇士良所殺

封建

文獻通考卷三百六

五

嚴成美子
王宣成

右敬宗子

莊恪太子永太和四年封魯王六年立為皇太子開成元年暴薨追贈

將王宗儉開成二年封

右文宗子

杞王峻開成五年封

益王峴

兖王岐

德王懌

昌王嵯

並會昌六年封

右武帝子

靖懷太子漢會昌六年封雍王大中六年薨追謚

雅王涇大中元年封

通王滋會昌六年封昭宗時為韓建劉季述所殺

慶王沂會昌六年封大中十四年薨

濮王澤大中二年封

鄂王潤大中五年封乾符三年薨

懷王洽大中八年封

昭王訥大中八年封乾符三年薨

康王汶大中八年封乾符四年薨

廣王灑大中十一年封乾符四年薨

衛王灌大中十一年封十四年薨

右宣宗子

魏王侑咸通三年封

涼王儔咸通三年封乾符六年薨

蜀王信咸通六年封

威王偁咸通六年封

封

咸通六年封

六

吉王保咸通十三年封

恭哀太子倚初封睦王後為劉季述所殺天復初追贈

右懿宗子

建王震中和元年封

益王昇光啓三年封

右僖宗子

德王裕大順二年封乾寧四年立為皇太子劉季述等幽昭宗

立裕為帝昭宗反正復為王後為朱溫所殺

棟王栩乾寧元年封

景王祕乾寧四年封

虔王禎乾寧元年封

初王祺乾寧四年封

沂王禔乾寧元年封

順光化元年封

王祥乾寧四年封

王祥光化元年封

右八王並為朱溫所殺

端王禎

豐王祁

和王福

登王禧

嘉王祐

右並天祐元年封

穎王禕

蔡王祐 並天祐二年封

右昭宗子

唐制親王封戶八百增至千公主三百長公主止六百高宗時沛英豫三王太平公主武后所生戶始踰制垂拱中太平至千二百戶聖曆初相王太平皆二千壽春等五王各二百

封建

文獻通考卷二百七十六

七

崇禎三年重刊

神龍初相王太平至五千衛王三千溫王二千壽春等五皆
七百嗣雍衡陽臨淄巴陵中山王五百安樂公主二千長寧
千五百宣城宣城宣安各千相王女爲縣主各三百相王增
至七千安樂三千長寧二千五百宣城以下二千相王太平
長寧安樂以七丁爲限雖水旱不蠲以國租庸滿之中宗遺
詔雍壽春王進爲親王戶千開元後天子敦睦兄弟故寧王
戶至五千五百岐薛五千申王以外家微戶四千邠王千八
百帝妹戶千中宗之女亦如之通以三丁爲限及皇子封王
戶二千公主五百咸宜公主以母惠妃故封至千自是諸公
主例十戶止

唐史贊曰唐自中葉宗室子孫多在京師幼者或不出閭閻
以國王之實與匹夫不異故無赫赫過惡亦不能爲王室軒
輊通極不還與唐俱殫然則歷數短長自有底止彼漢七國
晉八王不得其效愈速禍云

肅宗嘗問於李鄴侯泌曰今郭子儀李光弼已爲宰相若克
兩京平四海則無官以賞之奈何對曰古者官以任能爵以
酬功漢魏以來雖以州郡治民然有功則錫以茅土傳之子
孫至于周隋皆然唐初未得關東故封爵皆設虛名其食實
封者給繒布而已貞觀初太宗欲復古制大臣議論不同而
止由是賞功多以官夫以官賞功有二害非才則廢事權重
則難制是以功臣居大官者皆不爲子孫遠慮務乘一時之
權邀利無所不爲向使祿山有百里之國則亦借之以傳子
孫不交矣爲今之計侯天下旣平莫若疏爵土以賞功臣則
雖大國不過二三百里可比今之小郡豈難制哉於人臣乃
萬世之利也上曰善按如鄴侯之說則知唐之所謂爵土祇
是虛名且無承襲蓋受封者於內府給繒布不得以自食其

所封之地則只同俸賜不可以言胙土矣故今敘唐之封建只及諸王而凌煙功臣以下之封公侯者更不敘錄蓋既無胙土世襲之事則封建之規模盡失矣

唐初如英衛之類其子尚襲封至中葉以後則此制盡廢如

仁傑封梁公子光嗣未嘗襲梁公又按唐會要神龍二年七月制功臣段志玄屈突通蕭瑀李靖秦叔寶長孫順德劉弘

基宇文士及錢九隴程知節龐卿暉竇宗苑君璋李子和張

平高張公謹梁恪仁安修仁秦行師獨孤卿雲蘇定方李安

遠鄭仁泰杜君綽李孟嘗等二十五家所食實封並依舊給

可見當時所給實封繒布止受封者之身如此二十五家則符旨依舊支給耳非通例也

按唐自中葉以來皇子第之封王者不出閣諸臣之封公侯者不世襲封建之制已盡廢矣至肅代而後則

藩私其土地甲兵而世守之同於列國故取唐書藩鎮傳述諸鎮傳授之次第以繼諸王之後

唐書藩鎮敘曰安史亂天下至肅宗大難略平君臣皆幸安故瓜分河北地付授叛將護養蘖萌以成禍根亂人乘之遂擅署吏以賦稅自私不朝獻于廷效戰國胙髀相依以上地傳子孫脅百姓加鋸其頸利怵逆汗遂使其人自視猶羌狄然一寇死一賊生訖唐亡百餘年卒不為王土當其盛時蔡附齊連內裂河南地為合從以抗天子杜牧至以山東王不得不王霸不得不霸賊得之故天下不安又曰厥今天下何如哉干戈朽鉞鈍舍忍混貸昭育逆孽殆為故常而執事大人曾不歷筭周思以為宿謀方且嵬岸抑揚自以為廣大繁昌莫已若也嗚呼其不知乎其侯偃蹇顛傾而後為之支計

乎且天下幾里列郡幾所自河以北蟠城數百角奔爲
寇伺吾人顛頽天時不利則將與朋伍駭亂吾民於掌
股之上今者及吾之壯不圖擒取乃偷取恬逸以爲後
世子孫背脅疽根此復何也議者曰渥強之徒吾以良
將勁兵爲衝策高位美爵充飽其腸安而不撓外而不
拘猶豢虎狼而不拂其心則忿氣不萌此大曆貞元所
以守邦也何必疾戰焚剽吾民然後爲快也愚曰大曆
貞元之間有城數千百卒夫則朝廷貸以法故於是閭
視大言自樹一家被制削法角爲尊奢天子不問有司
不呵王侯通爵越錄受之觀聘不來几杖扶之逆息虜
亂皇子嬪之地益廣兵益強僭擬益甚侈心益昌土田
名器分畫大盡而賊夫貪心大及畔岸淫名越號走兵
四略以飽其志越魏燕齊同日而起梁蔡吳蜀躡而和

之其餘混傾軒囂欲相效者往往而是運遭孝武前英
後倂夕思朝議故能大者誅鋤小者惠來大抵生人油
然多欲欲而不得則怒怒則爭亂隨之是以教答於家
刑罰于國伐於天下裁其欲而塞其爭也大曆貞元之
間反此提區區之有而塞無涯之爭是以首尾指支幾
不能相運掉也凡今者不知非此而反用以爲經將見
爲盜者非止于河北而已嗚呼大曆貞元守邦之術永
戒之哉魏博傳五世至田弘正入朝十年復亂更四姓
傳十世有州七成德更二姓傳五世至王承元入朝明
年王庭湊反傳六世有州四盧龍更三姓傳五世至劉
聰入朝六月朱克融反傳十二世有州九淄青傳五世
而滅有州十二滄景傳三世至程權入朝十六年而李
全略有之至其子同捷而滅有州四宣武傳四世而滅

有州四彰義傳三世而滅有州三澤潞傳三世而滅有州五雖然迹其由來事有因藉地之輕重視人謀臧否歟今取擅興若世嗣者為藩鎮傳若田弘正張孝忠等暴忠納誠以屏王室自如別傳云

田承嗣平州盧龍人本隸安祿山麾下郭子儀平東都來降俄復叛後再降于僕固懷恩遷貝博滄瀛等州節度使名其軍曰天雄加同平章事封鴈門郡王悅承嗣弟子承嗣卒為留後俄遷節度使德宗立悅舉兵反僭號魏王朱泚篡逆帝乃下詔赦悅罪悅復順命封濟陽郡王後為其從弟緒所殺緒承嗣第六子既殺悅為留後請命乃即命為節度使加同平章事封鴈門郡王卒季安緒少子緒既死為留後因授節度使加同平章事懷諫季安子嗣為留後軍中廢之而立弘正送懷諫京師自承嗣至懷諫四世凡四十九年弘正承嗣從子為衙內兵馬使軍中既廢懷

弘正弘正弘正乃舉六州版籍詔吏于朝詔除節度使以王承宗李師道功加同平章事入少功移鎮成德軍亂遇害在弘正子為河陽節度使會魏博節度使季瑒病不能軍乃詔以布鎮魏博牙將史憲誠怵軍中脅布不從自殺史憲誠本奚人三世為魏博將田布既自殺憲誠擅總軍務穆宗因授以節度使進同平章事後請納地欲分相衛請置帥軍中攻而殺之憲誠起卒凡七年何進滔靈武人世為魏軍校史憲誠忠成既死軍中推為留後進滔乃斬作亂者數十人請命詔授節度使後進同平章事卒重順進滔子進滔既死為留後就加節度使後進同平章事卒全韓重順子嗣齊節度使以平龐勛攻進同平章事後軍衆叛而殺之自進滔至全韓四十二年韓全徽魏州人全韓死軍中推韓總軍事加節度使同平

章事卒

子簡襲留後

節度使

平章事封魏郡王時黃巢

亂帝在蜀簡北略邢洛東攻鄭立敗未幾死

君雄簡凡五世十二年

樂彥禎魏人韓簡時為滑州刺史簡卒魏人立之進節度使

加同平章事後軍亂殺彥禎

凡七年

羅弘信魏州人為裨將軍中既殺彥禎推六將趙文珣總留

後彥禎子從訓求救於朱全忠以兵討之衆懼殺文珣推弘

信為主詔權留後遷節度使平章事封臨清郡王後為朱全

忠李克用所攻拔其三州卒 子紹威襲昭宗時授節度使

為劉仁恭所攻朱全忠救之遂事全忠加侍中封魏王與全

忠謀盡誅魏牙兵以除逼紹威自此勢弱為全忠所取

右魏博據七州 貝博魏相傳五姓

李寶臣本范陽內屬奚為安祿山射生慶緒時為恒州刺史來

降詔授故官封密雲郡公後復叛事史思明思明死乃挈恒道

深定易五州以獻封趙國公名其軍曰成德拜節度使封隴西

郡王拜同平章事後為妖人所毒死 惟岳寶臣子寶臣死軍

中推為留後求襲父位德宗不許趣護喪京師以張孝忠代之

惟岳拒命詔朱滔等討之其將王武俊殺惟岳以降

王武俊本出契丹為李寶臣裨將李惟岳既死武俊遣使請

命詔授武俊恒冀觀察使而惟岳將楊政義等以深定二州

來降武俊怨不得節度又失二州乃反僭號趙王興元初乃

黜偽號請命詔授節度使加同平章事以破朱滔功封清河

郡王卒 士真武俊長子嗣為節度使拜同平章事卒 承

宗士真子勣為副大使憲宗即位欲折鎮藩遣使諭承宗承

宗乃上德棣二州詔以薛昌朝為保信軍節度使統德棣承

宗拒命却昌宗囚之 憲宗遣兵討之又無功而

淄青盧龍數表請赦承宗乃罷兵盡以故地畀之承宗復拒

命出兵掠鄰鄙為吳元濟平乃恐遣二子入侍歸德棣二州
詔復官爵卒軍中推其弟承元為留後承元不敢請命于朝
詔以為義承軍節度使 庭湊本回紇阿布思之族為武俊
養子世為裨將承元既以成德軍請命後詔以田弘正為節
度使庭湊以軍作亂害弘正自稱留後脅監軍表請節又取
冀州穆宗怒詔弘正子布以魏博兵討之會魏博軍變布死
乃赦庭湊庭湊復拒命討之無功後庭湊上書謝表上景州
穆宗厭兵赦之復其官爵封太原郡公卒元達庭湊次子庭
湊死軍中以元達請命詔襲節度使以討劉稹功加同平章
事太原郡公卒 紹懿元達次子嗣為留後封太原縣伯加檢校司空卒
卒 紹懿元達次子嗣為留後封太原縣伯加檢校司空卒
景崇紹鼎子嗣為節度使以討龐勛功進檢校尚書右僕射
同平章事常山王卒 景崇子嗣為節度為李克用所擊

兵敗與克用和後復附于朱全忠全忠既篡封鎔趙王全忠
謀取河北鎔復附克用後為其將張文禮所殺滅王氏之族
文禮自為留後李存勗討而誅之 自庭湊至鎔凡百年

右鎮冀據六州 恒定易傳二姓

李懷仙柳城胡為安祿山裨將史朝義以為幽州節度使朝義
敗懷仙使其將李抱忠奉其首來降即授幽州盧龍節度使封
武威郡王大曆二年為其麾下朱希彩朱泚及弟滔所殺族其
家

朱希彩幽州昌平人既與泚滔殺懷仙自稱留後代宗赦其
罪詔宰相王紳為節度使以希彩副之縉至鎮度希彩不可
制勞軍即還乃授希彩節度使封高密郡王七年為其下所
殺 泚希彩同宗軍眾既殺希彩推為留後詔即拜節度使
封懷寧郡王後入朝留京師 滔泚弟既入朝滔攝留後泚

文法通鑑卷三十三

留京師滔遂領節度討李惟岳取深州德宗賜以德棣二州以康曰知為深趙二州團練使滔失深州不平乃與王武俊等同叛僭號冀王武俊悅推滔為盟主涇原軍變此僭逆武俊等乃叛滔攻之此既誅滔兵復敗上書待罪詔洗釁與更始未幾卒

劉怵幽州昌平人朱滔時積功至雄武軍使滔死軍中推怵總軍事詔為節度使彭城郡公卒 濟怵子怵嗣節度累遷同平章事以討王承宗功進中書令為其子總所毒死 總濟次子既毒其父即領軍政詔嗣節度封楚國公進同平章事會吳元濟李師道平總恐乃用譚忠諫上疏願奉朝請髡髮為浮屠詔張弘靖領其軍總入朝至定州卒

朱克融淄族孫以偏校隨劉總入朝留京師久不得調詣宰相求自試不聽無聊怨忿張弘靖赴鎮從還幽州軍變囚弘靖推克融領軍務時朝廷方討王庭湊薄克融罪就拜節度使遷司空吳興郡王後軍亂殺克融子延嗣領留後大將李載義殺而代之族其家

李載義自稱恒山愍王之後為幽州牙中兵馬使朱克融死子延立叛命殘虐載義率眾殺之敬宗授載義節度使封武威郡王以討賊功進同平章事後為兵馬使楊志誠所逐入朝為山南節度使

楊志誠載義牙將逐載義自為留後詔以為節度副使遷尚書右僕射後為其下所逐推部將史元忠總留後詔以為副大使會昌初為偏將陳行泰所殺行泰邀節制未報次將張絳殺之

張仲武范陽人為雄武軍使遣其屬入朝請擊回鶻自效會張絳殺陳行泰求節宰相李德裕請用仲武乃以為留後絳

果為軍所逐以破回鶻等功遷進節度使同平章事卒子
直方嗣為留後俄進副大使直方舉動多不法畏下變起乃
奔京師詔以為金吾將軍後為黃巢所殺

張允伸范陽人為都知兵馬使直方出奔眾推為留後俄遷
節度使同平章事燕國公卒

張公素范陽人為別將事允伸允伸死表其子簡會為留後
公素以兵來會喪軍士附之簡會乃出奔詔公素為節度使
進同平章事後為李茂勳所襲奔京師

李茂勳本回鶻阿布思之裔來降賜姓為燕將誣納降軍使
陳貢言反襲殺之因舉兵入府茂勳逃眾推主州務以開印
拜節度使卒子可舉嗣為節度使遷太尉後為其將李全
忠所攻自燔死

李全忠范陽人為牙將攻可舉殺之為留後拜節度使

子匡威領留後進為使後為弟匡籌所逐奔趙謀取王鎔趙
人殺之匡籌既逐兄匡威自為留後詔授節度使後為李

克用所攻兵敗挈其族奔京師次景城為盧彥威所殺克用
遂取幽州以劉仁恭為帥

劉仁恭深州人世為鎮將有功李匡籌逐其兄戍卒推仁恭
趨幽州匡籌逆戰敗之仁恭乃奔太原李克用用其計攻匡
籌取幽州表仁恭為節度使後叛克用克用擊之不利仁恭
默捷於朱全忠全忠表為同平章事以兵取滄景德三州後
為其子守光所囚晉王存勳討守光取幽州誅仁恭守光
既囚仁恭自為盧龍節度使益驕侈潛號大燕皇帝晉遣兵
討守光之誅守光

右盧龍據九州

傳八姓

李正己本高麗人為營州副將從侯希逸入青州以軍候從討

史朝義有功後逐希逸出之詔代為節度使進同平章事饒陽
郡王建中初與田悅皆叛卒 子納父死自為留後與李希烈
朱滔等連和僭號齊王興元初乃歸命加同平章事封隴西郡
王卒 子師古嗣為節度使加同平章事卒 弟師道嗣為留
後遷副大使時方討滎蔡師道陰使人殺宰相焚河陰漕院為
蔡聲援蔡平乃遣使請納三州既而復拒命詔討之師道兵屢
敗為其將劉悟所殺傳首京師

右淄青據十二州

淄青齊海登萊沂密曹濮兗鄆

一姓四傳

程日華定州安善人為張孝忠牙將奉使至滄州會軍變殺刺
史李固烈逼日華領州事時朱滔王武俊等叛招日華不從遂
攻之日華乘城自固遣使自歸天子德宗喜拜日華御史大夫
滄州刺史直橫海軍就以為使卒 懷直嗣為留後遷節度
使卒 子權嗣領軍務拜節度使累封至邠國公及淮西平請

入朝辭軍政詔華州刺史鄭權代之

李全略本王武俊之裨將入朝授代州刺史程權入朝以
權代為橫海節度使權遷以烏重胤代之重胤遷以杜叔良
代之叔良討王庭湊兵敗乃命全略為節度使卒 子同捷
領留後賂鄰藩為請領父節不許同捷拒命詔討之同捷兵
敗伏誅

右滄景據四州

滄景德棣傳二姓

劉玄佐滑州匡城人為永平軍牙將李靈耀據汴州反玄佐乘
其無備襲取宋州德宗建中初充宋毫穎節度使以討李汭等
功遷同平章事後為假子樂士朝所鳩死 子士寧嗣初玄佐
死朝命吳湊代之軍中不受命推士寧為留後諱命詔襲節度
使後為其大將李萬榮所逐萬榮為留後遷節度使卒以兵屬
鄧惟恭惟恭乃執萬榮子廼送京師以董晉代為節度使

右宣武據四州汴隸傳二姓

吳少誠幽州潞人為李希烈將希烈僭逆為陳仙奇所毒吳其妻子函首獻朝詔以仙奇為淮西節度使少誠殺仙奇德宗因授少誠申蔡光等州節度觀察留後進拜節度使後拒命圍許州詔削奪官爵討之師不利乃赦其罪順帝即位進同平章事封濮陽郡王卒

少陽本滄海清池人與少誠同在軍友善少誠養為弟少誠死少陽殺其子元慶自稱留後詔拜節度使卒 元濟少陽子少陽死匿不發喪請於朝求世襲不許乃出兵反詔諸路軍討之李愬入蔡城俘元濟斬于京師

右彰義據三州申光蔡一姓三世

劉悟其祖正臣平盧節度使悟事李師古為將師道拒命王師討之師道以悟將兵拒守復疑悟悟乃還兵取鄆殺師道傳首

京師拜義成節度使彭城郡王兼幽鎮招討使治邢州進同平章事卒 子從諫領留後請命拜節度使入朝還鎮進同平章事卒 積從諫從子從諫既卒擅領留後武帝詔積護喪還鎮積拒命詔討之積兵敗其大將郭誼等殺之以降

右澤潞據五州鄆邢潞一姓三世

李茂貞深州博野人本姓宋為軍卒成鳳翔隸鄭畋破黃巢以功積遷至武定軍節度使會鳳翔節度使李昌符與天威都頭楊守爭立以兵相攻僖宗遣茂貞擊殺昌符就以茂貞為鳳翔隴右節度使封隴西郡王昭宗時擅以兵攻興元節度使楊守亮取其地詔徙茂貞山南節度以徐彥命鎮鳳翔茂貞不奉詔表辭不遜帝討之兵敗茂貞遂犯京師脅上誅杜讓能等乃還後與韓建王行瑜等舉兵犯京師李克用舉兵討之乃退後封岐王昭宗為宦官所廢既反正宰相崔胤欲借朱全忠兵誅宦

官中尉韓全誨等劫帝幸鳳翔全忠圍之逾年茂貞與和帝乃
出茂貞初破楊守亮取興元而邠寧鄜坊皆附之有地二十州
其破梁圍也興元入于蜀開平以後邠寧鄜坊入于梁秦鳳階
成又入于蜀當梁末年所有惟七州而已莊宗破梁遣子入朝
改封秦王卒 從儼茂貞子茂貞卒嗣為鳳翔節度使

右鳳翔據二十州

岐隴涇原渭武秦成階鳳邠寧慶行鄜坊丹延梁洋二傳

李仁福不知其世家當唐僖宗時有拓跋思敬者為夏州偏將
後以預破黃巢功賜姓李氏拜夏州節度使思敬卒以弟思諫
為節度使自唐末天下大亂興元鳳翔邠寧鄜坊河中同華諸
鎮之兵四面並起而交爭獨靈夏未嘗為唐患亦無大功故其
世次功過不顯而無傳梁開平初思諫卒軍中立其子彝昌為
留後拜節度使明年其將高宗益作亂殺彝昌時仁福為蕃部
指揮使軍中乃迎仁福立之不知其於思諫為親疎也奉梁正

朔拜節度使中書令封朔方王卒 子彝超自為留後唐明帝
徙彝超延州刺史以安從進為夏州節度使彝超拒命唐遣兵
圍夏州不克乃釋之以彝超為節度使卒 弟彝興嗣封西平
王周加太傅宋興加太尉卒追封夏王 子克叡立襲靜難節
度使卒贈侍中 子繼筠立踰年卒 弟繼捧立太平興國七
年來朝以夏銀綏宥靜五州地來歸其弟繼遷居銀州率眾為
寇奔入蕃族詔以繼捧為定難節度賜姓名趙保忠令招繼遷
保忠言繼遷歸款以為銀州刺史賜名趙保吉後保吉與保忠
合寇靈州詔討之保吉并保忠之眾保忠遁還闕詔隳夏州居
民悉遷於綏銀等州削保吉所賜姓名復為李繼遷遣使入貢
後復入寇窺靈州詔李繼隆以五路兵攻之大小數十戰繼遷
遁去太宗崩乃遣使修貢求領藩臣真宗復賜姓名拜定難軍
節度使後復入寇陷靈州為其蕃部射死 子德明入貢上表

歸欵拜定難節度使西平王進封夏王卒 子元昊嗣景祐初
入寇後攻唃廝囉陷瓜沙肅三州盡得河西之地寶元元年僭
號改元詔削奪元昊官爵遣兵討之慶曆四年乃遣使稱臣冊
為夏國主歲賜銀絹茶綵共二十五萬五千仍聽市易卒 子
諒祚立治平三年入寇明年种諤取綏州城之諒祚卒 子秉
常立元豐四年遣李憲等五路兵攻之取四砦城未樂夏人陷
之秉常卒 子乾順立元祐時來請所侵地并送還末樂陷沒
人口詔還其米脂安強浮圖葭蘆四砦紹聖後章惇為相遣師
伐之夏人亦歲歲寇邊初夏國恃橫山諸族帳強勁善戰故用
以抗中國种諤謀取橫山故與靈州之師及王師失利李憲始
獻進築之策神宗厭兵不克行童貫嘗從憲得其髣髴故獻
議進築遂領六路邊事將諸路兵六七年進築軍壘建立堡砦
遂得橫山之地夏人失所恃遂納欵夏國自此少衰矣會金滅

遼乾順以事遼之禮事金金人以天德雲中金肅河清四軍及
八節之地賂之未幾復奪其地建炎時遣使入夏乾順已僭稱
制待使倨自後始用敵國禮張浚吳玠遣使約夏夾攻金卒無
成說紹興九年李顯忠自夏來歸是年乾順卒 子天祈立嘉
定間金遷汴有西都長安之意宥重兵於鞏州夏畏之遣使來
議夾攻四川宣閬安丙從之遣董昭等攻鞏州不利繼乾順而
作天祈建炎以來朝野雜記作仁孝未知孰是自乾順之死至
嘉定甲申凡八十餘年其後立者決非一主并夏亡之歲月正
史不載
當續考
右靈夏據五州夏銀綵
有靜
按唐末宇內皆為節鎮而所謂節鎮者非士卒殺主帥
則盜賊逐牧守朝廷不能討因而命之大槩皆欲互相
噬吞廣自封殖以為子孫傳襲之計江都以南之蠡起
者其地非英雄所必爭又值中州多故無暇遠略故皆



能傳世而北方節鎮其驟興忽敗不能以一世者多為
 宣武河東所併獨鳳翔之初起也據地最多故能蠲強
 沐晉之間相為長雄後雖日削而傳襲亦及再世靈夏
 僻在一隅據五州之地世事中朝及宋興四方僭偽節
 鎮悉已削平獨不能取其地蓋自繼遷以來效化外藩
 戎之俗獷悍難制雖繼以女真之強暴而亦能自存傳
 世三百餘年然其地則唐之地而其初亦唐之節鎮也
 故敘鳳翔靈夏以繼唐史藩鎮傳所載八鎮之後

先公曰嗚呼宇宙之為天下裂豈一朝一夕之故哉太
 宗初置沿邊節度使天寶十年分西北十節度大率以
 其兵防邊耳固未嘗有世襲之節度也自安史亂而後
 河北三鎮有世襲之節度然猶未有東南之世襲節度
 也自黃巢而後東南徧海內皆為世襲節鎮矣五代十

國皆節鎮之流裔而并合者也自宣武併河中魏博滑
 青成德澤州而為梁自河東據潞州而為晉然後吳淮
 南越以鎮海關以威武楚以武安靜江南漢以清海岐
 以鳳翔邠寧蜀以兩川而燕之盧龍荆之荆南亦併出
 焉

楊行密廬州合肥人以盜見獲為兵遷隊將逐廬州刺史據其
 州詔就拜刺史淮南節度使高駢為畢師鐸等所攻行密擊之
 取揚州後取宣潤滁和等州唐拜行密淮南節度使同平章事
 行密遣兵攻取自淮以南江以東諸州皆下之進拜中書令吳
 王卒 子渥嗣後為徐溫張顥等所弑 弟隆演嗣即吳王位
 改元卒 弟溥立僭即皇帝位後禪位于徐知誥

右淮南傳四世四十六年 唐景福元年入揚州至
 王建許州舞陽人為忠武軍卒遷隊將諫軍將鹿宴弘信宗在

蜀以兵隨駕扈從有功遷壁州刺史以兵取閬利梓等州遂西
川節度使韋昭度而代之及攻成都殺陳敬瑄田令孜乃以建
為西川節度使復攻東川取之并右兩川山南之地封蜀王梁
篡唐建乃僭號皇帝卒子衍嗣立唐莊宗既滅梁乃遣兵伐
蜀取之衍降見殺

右前蜀二世三十五年

唐大順二年為西川節度使至衍以後唐同光三年亡

孟知祥邢州龍岡人仕晉為左教練使遷太原尹莊宗既滅王
衍乃以知祥為劍南西川節度副大使明宗立知祥陰有據蜀
之志殺監軍李嚴與東川節度使董璋俱反唐師討之不利知
祥遂攻東川殺董璋取其地乃遣使入朝唐封為蜀王唐明宗
崩知祥僭號皇帝後復取山南之地卒子昶嗣時中國多故
雄武軍節度使何建以秦成階三州附于蜀昶又取鳳州盡得
王衍故地周世宗時伐蜀取秦成階鳳宋乾德三年遣師伐蜀

取之昶降封秦國公卒

右後蜀二世四十一年

知祥以後唐同光二年為節度使至昶以宋乾德二年亡

劉隱其祖安仁上蔡人後徙閩中商賈南海因家焉父謙為廣
州牙將黃巢寇廣州表謙為封州刺史賀江鎮遏使以禦梧
桂謙卒表隱代之會廣州節度劉崇龜死將盧瑑等作亂隱以
封州兵討殺瑑迎節度使嗣薛王知柔徐彥若代知柔表隱節
度副使彥若卒軍中推隱為留後天祐時拜節度使梁初進太
師封南平王卒弟龔嗣以兵取潮韶及容管邕管僭號皇帝
卒子玢嗣立後為其弟晟所弑晟既弑玢遂自立值馬氏
政亂乃出兵攻楚克桂宜嚴梧蒙五州又取柳州卒子鏐嗣
立宋開寶四年遣師伐南漢取之鏐降封恩赦侯

右南漢五世六十七年

隱以唐天祐二年為廣州節度使至鏐以宋開寶四年亡

馬殷許州鄆陵人初為孫儒裨將儒攻宣州敗死殷與其下推

寸建

文天通考卷三十二

三

崇禎二年重刊

劉建峰為主轉攻豫章虔吉入湖南取潭州建峰自稱留後僖宗因授之建峰為其下所殺軍司馬張佶率眾推殷為主拜潭州刺史殷攻連邵彬衡道永六州皆下之又取桂州拜武安軍節度使梁時拜中書令封楚王又取嶺南昭賀梧州蒙隸富等州澧敘辰州皆附于殷拜天冊上將軍唐滅梁殷入貢仍封爵卒子希聲立授武安靜江等軍節度使卒追封衡陽王弟希範立卒弟希廣立為其兄希萼所攻兵敗自縊死希萼既殺希廣遂自立臣於李景其將徐威等作亂執希萼立其弟希崇彭師嵩等復奉希萼為衡山王臣於李景希崇亦請命于景景遣邊鎬將兵入楚盡遷馬氏之族于金陵

周行逢武陵人與王進達俱為靜江軍卒事希萼進達攻唐將邊鎬逐之行逢復破唐兵進達奉表京師周太祖以為武安節度使以劉言為武平節度使進達與言有隙行逢為畫

謀殺言進達據武陵行逢據澧州會進達為潘叔嗣所殺

行逢殺叔嗣取武陵卒子保權立衡州刺史張文表畔之

保權遣使請命太祖命慕容延釗討之保權舉族朝于京師

右湖南馬氏五世五十七年殷自唐乾寧二年有湖南至希萼以周廣順元年為南唐

滅所

周氏再世十年行逢以周顯德元年拜節度使至保權以宋乾德元年納土

錢鏐杭州臨安人始為石鏡鎮將董昌徧禪擊黃巢有功為都

將擊劉漢宏破越州昌徙居越而鏐為杭州刺史擊取蘇常潤

等州進鎮海節度使同平章事昌僭逆鏐討平之蓋有兩浙之

地拜中書令越王梁時封吳越王尚父卒子元瓘立卒子

佐立破李景兵取福州卒弟俶立太平興國二年俶入覲蓋

獻其地

右兩浙四世八十四年鏐以唐乾寧二年為鎮海鎮東軍節度使有兩浙至俶以宋太平興

討建

五代通鑑卷三十一

七

國二年
綱土

王潮光州固始人初為縣吏壽州人王緒攻隋固始以潮為軍
校緒為秦宗權所攻率眾南奔自南康入汀陷漳浦緒性忌多
殺潮與其前鋒將執緒殺之推潮為主授泉州刺史攻福州克
之授福建觀察使卒弟審知立授威武軍節度使同平章事
封琅邪王梁時封為閩王卒子延翰立後為其弟延稟延鈞
所殺延鈞既殺延翰更名鱗自立後唐拜為節度使閩王後
僭號皇帝為其子繼鵬及李傲所弒繼鵬立更名昶遣使朝
貢于晉後為王延羲所殺延羲審知少子嗣立更名曦後為
其臣連重遇所殺延政審知子初為建州刺史曦淫虐延政
數諫之曦怒攻延政兵敗延政乃以建州建國稱昶明年曦遇
弒連重遇立朱文進盡殺王氏子孫稱晉年號重遇復殺文進
南唐李景聞亂發兵攻之遂取閩遷延政之族于金陵

右福建六世五十五年潮以唐景福元年入福州拜觀察使至延政以晉開運三年為李唐

滅所

高季興陝州硤石人初為汴人李讓家僮朱溫鎮宣武事溫梁
開平初拜荆南節度均王時阻兵自守均王優容之封為渤海
王梁亡朝唐莊宗明帝時取夔歸峽等州臣于吳卒子從
誨立復臣唐封南平王卒子保融立襲封南平王卒弟保
功立卒兄子繼洪立建隆四年太祖昭慕容延釗討湖南張
文表假道荆南入其郭繼冲懼以地內附舉族入朝
右南平五世兄五十七年季興以梁開平元年鎮南至繼冲以宋乾德元年納土
按唐末五代以來八國其初亦皆世襲節鎮也故叙其
興滅之歲月傳授之世次附于唐方鎮之後或曰五代
史之十國世家即晉書十六國載記之流也何十六國
獨無述乎曰十六國乃夷狄之據地而欲自為帝王者

五代史卷一百六

三

也未嘗受命於晉難以藩方言之故除張李二涼之外
不復錄若此八國則雖出於平伍盜賊然其竊地之初
皆常請命於天子而昇以旌節矣後雖僭號而其源則
蕃侯也故敘之若南唐受禪於楊氏北漢繼世於河東
則其初卽稱帝是以亦不復錄云

文獻通考卷之二百七十七

宋鄱陽 馬端臨 貴與 著
明蘄陽 馮天馭 應房 校刊

梁親王

廣王全昱太祖受禪封貞明二年卒

太祖兄也

友諒全昱子初封衡王後嗣廣王坐第友能反廢囚京師唐
師入汴見殺

友能昱子封惠王後爲宋滑二州留後舉兵反敗死

友誨昱子封邵王坐友能反廢後爲唐兵所殺

安王友寧太祖兄存子受禪後封

密王友倫太祖兄存子受禪後封

柳王友裕太祖子爲忠武節度使卒受禪後追封

博王友文本姓康名勤太祖養以爲子受禪後封郢王友珪弒

封

文獻通考卷之二百七十七

逆並殺友文

郢王友珪太祖子受禪後封乾化二年弒太祖篡位均王以兵討之自殺追廢為庶人

福王友璋太祖子受禪後封

賀王友雍太祖子受禪後封

建王友徽太祖子受禪後封

康王友孜太祖子末帝即位後封後以反誅

唐親王

邕王存美太祖子同光三年封莊宗敗不知所終

末王存霸太祖子同光三年封莊宗敗為軍卒所殺

薛王存禮太祖子同光三年封莊宗敗不知所終

申王存渥太祖子同光三年封莊宗敗與劉皇后同奔太原為部下所殺

越王宗誼世宗長子漢末遇害顯德時追封

曹王宗讓世宗子顯德六年封

紀王熙謹世宗子顯德六年封宋乾德二年卒

蘄王熙誨世宗子顯德六年封

封爵之差唐制王食邑五千戶郡王國公三千戶開國郡公

二千戶縣公千五百戶縣侯千戶伯七百戶子五百戶男三

百戶又有食實封者給縑帛每賜爵遞加一級唐末及五代

始有特加邑戶而罷實封之給又去縣公之名封侯以郡宋

朝沿其制文臣少卿監以上內職崇班以上有封爵丞相學

士刺史大將軍諸司使以上有實封但以增戶數為差不繫

爵級邑過其爵則并進爵焉止於開國郡公每加食邑自千

戶至二百戶實封自六百至百戶皆六等親王重臣或特加

有踰千戶者郡公食邑有累加至萬餘者實封至數千者又

典所凡加食邑宰相千戶實封四百戶餘降麻官七百戶實

封三百戶直學士以上五百戶實封二百戶舍人待制散尚

書至少卿監以上實封一百戶食邑三百戶封縣開國男五

百戶封子七百戶封伯千戶封郡侯二千戶封公千五百戶

以上始加實封惟將相食邑萬戶即開國亦或謙而不就者

仁宗慶曆七年郊惟夏竦滿萬戶中書請封英國公因詔使

相未滿萬戶皆得封皇屬有特封郡公縣公或贈侯者無開

國字侯無開國字在開寶以來改國降主及外臣叛命赦不

誅者亦封侯皆因名以著罪開國字在開寶以來改國降主及外臣叛命赦不

有大次小三等以為進封之敘侯無開國字在開寶以來改國降主及外臣叛命赦不

國為大國者淳化五年九月詔封壽為大國列於晉之下燕

大國景德二年八月故雍王追封曹王仍升曹為大國乾興元年

通王存義太祖子同光三年封後以郭從韜壻為莊宗所殺

通王存確太祖子同光三年封莊宗敗為霍彥威所殺

雅土存紀太祖子同光三年封莊宗敗為霍彥威所殺

魏王繼岌莊宗長子同光三年封將兵伐蜀取之師回至渭南

聞莊宗敗師徒潰散自縊死

繼渾 繼嵩 繼蟾 繼曉 並莊宗子同光三年拜光祿大

夫檢校司徒未封莊宗敗並不知所終

秦王從榮明宗子長興元年封後舉兵反敗死廢為庶人

許王從益明宗子長興四年封晉天福四年封郟國公為二王

後唐帝祀開運三年契丹犯京師復封許王尋為番將蕭翰

立為帝知南朝軍國事漢高祖入洛遇害

雍王重美末帝子清泰三年封晉兵入與末帝俱自焚死

洋王從璋明宗從子長興四年封晉時降封隴西郡公

封建

封建

封建

封建

充王從溫明宗從子晉時為忠武軍節度使

涇王從敏明宗從子晉時降封秦國公

晉親王

韓王敬暉高祖弟為曹州防禦使卒天福八年追封子曦嗣

楚王重信高祖子夫福初為河陽三城節度使范延光及遇害

追封

陳王重景高祖子蚤卒追封壽王重義高祖子張從賓友

漢親王

魏王承訓高祖子蚤卒追封

陳王承勳高祖子隱帝即位為開封尹周廣順元年追封

周親王

郟王侗太祖子漢末遇害顯德時追封

杞王信太祖子漢末遇害顯德時追封

三月進封鄧申真三大景祐中詔春秋秦漢以來下及皇朝

長公主並封為大國所封舊名別分大次小三等以為定制焉太祖時詔晉王宗

齊王彥武功郡王德朝位班宰相上太宗太平興國八年詔

自今宰相序立宜在親王上宰相宋琪李昉等頓首言漢法

丞相在諸侯王下請如舊制不許王府講官有翊善一人直

講一人贊讀二人記室一人又有諸王宮大小教授

宋親王

邕王光濟宣祖長子太祖兄蚤亡建隆三年贈中書令封邕王

秦王廷美宣祖第四子太祖弟建隆元年授嘉州防禦使進同

平章太宗即位封齊王繼封秦王後以罪降封涪陵縣公房州

安置卒於房陵真宗即位追復官封

廷美十子

德恭為武衛大將

德隆右武衛大將

德贈臨沂軍節度使

德彝保寧軍節度使

德均左監門衛將軍

德欽雲州觀察使

德潤右羽林將軍

德愿右武衛將軍

德存左羽林將軍

德文昭武軍節度使

夔王光贊宣祖第五子太祖幼弟早亡建隆三年贈侍中追封

右宣祖之世

魏王德昭太祖子乾德二年出閣授貴州防禦使遷同平章事

太平興國元年封武功郡王四年以譴自殺贈中書令追封魏

王

止齋陳氏曰謹按國史乾德二年以皇子德昭為貴州防

禦使時年十七前代皇子出閣即封王上以德昭未冠特

殺其禮非舊典也夫貴州屬廣西下州防禦使從五品耳

皇子始命以此禮曰天子之元子士也天下無生而貴者

也諸君副主猶云士明人有賢具行著德乃得貴也先王以

家人不憚自貶如此損蓋教道行矣故國人觀之曰世子

將君我而齒我於學然後衆知父子之道君臣之義長幼

之節出閣封王後世之夸心也藝祖起百世之後獨追古

意自王殺禮而為防禦使非聖人能之乎紹聖中皇子初

命便封國公遂為故事

惟正德昭長子建寧軍節度使

子從讜温州團練使

世程從讜子

世智從讜子

世敏從讜子

惟吉德昭次子早卒

守節惟吉子

守巽惟吉子

守度惟吉子

世延惟吉子

世靜惟吉子

世長惟吉子

封

文獻

五

世茂

惟吉 贈東陽侯 刺

惟忠德昭子早卒

從恪

惟忠子 贈磁州 刺史東萊侯

從諒

惟忠子 齊州防 使追封 韓國公

世綱

惟忠子 贈南康侯 刺

從質

惟忠子 信州團 練使 贈博陵侯

從信

惟忠子 贈雄州防 使 贈楚國公

惟和德昭子早卒

從審

惟和子 復州防 使 宣城郡公

從誨

台州團 練使 襄陽侯

岐王德芳太祖子開寶九年出閣授防禦使太平興國中進同

平章使六年薨

惟敘德芳子

懷州防 使 懷州防 使 懷州防 使

從煦

惟敘子 歸州團 練使 齊國公

世逸

從煦子 耀州團 練使 贈惠國公

惟憲德芳子

資州團 練使 贈英 國公

從演

惟憲子 登州防 使 贈遂寧侯

從郁

惟憲子 贈金州 團 練使 新興侯

世奕

惟憲孫 承州團 練使 贈南康侯

惟能德芳子

右羽林 將軍 贈張掖侯

從古

惟能子 登州團 練使 楚國公

從贄

惟能子 溫州團 練使 贈南陽侯

世瑞

惟能孫 嘉州刺 史 贈華陰侯

安定郡王從式太祖曾孫岐王德芳次子英國公惟憲之子神

宗熙寧元年詔以太祖肇造區夏令中書門下攷太宗之屬籍

近行尊者一人裂地王之使常從獻於郊廟於是從式最長乃

拜彰化軍節度觀察留後封安定郡王薨追封榮王

世清

熙寧五 年 嗣封

世準

元豐七 年 嗣封

世開

紹聖元 年 嗣封

世雄

建中靖 國元 年 嗣封

世福

崇寧五 年 嗣封

令盪

宣和二 年 嗣封

令話

紹興元 年 嗣封

令時

二年 嗣封

令砮

五年 嗣封

令應

六年 嗣封

令諫 年二十五

令德 年乾道元

子棟 年淳熙七

子恭 年慶元

伯栩 年嘉泰四

伯澤 年開禧

令衿 年二十五

令檉 年八

子彤 年九

子觀 年嘉泰二

伯祝 年嘉定元

熙寧所封安定郡王從式乃秦王德芳之孫從式薨乃更封燕王德昭曾孫世清為嗣安定郡王紹興初燕秦二王後爭襲封禮部員外郎王居正言燕王太祖長子其後當襲封議遂定自紹興至嘉定襲封者並燕王後自孝宗後受封者率自下僚承襲且多癯老疾病不能起跪嘉定十二年臣僚言自今有該封襲之人先行下所居州郡審驗委堪拜跪方與深明申奏仍遣赴都堂審察然後取旨除授或序當承襲本

州宗司見其不能拜跪與特轉一官及一子恩澤華却於次行內更行選襲從之

秀安僖王子備太祖六世孫岐土德芳之後德芳生英國公憲惟憲生新興侯從郁從郁生半陰侯世將世將生東頭供奉官今繪今繪生子備以舍試合拾調嘉興丞生子是為孝示六歲選入宮紹興十四年子備宗既正儲官詔贈子備中書令秀王

伯圭子備子宗既正儲官詔贈子備中書

師夔 伯圭子未與軍節使開

師揆 伯圭子未與軍節使開

信王璩太祖七世孫父子彥高宗紹興四年育孝宗于宮中明年詔再選璩入宮憲聖慈烈皇后以為己子九年封崇國公五年封恩平郡王孝宗既正儲官璩始稱皇姪三十年出居紹興

淳熙十四年薨追封信王

右太祖之世

楚王元佐太宗長子初封衛王後徙封楚坐罪廢為庶人真宗即位復封爵仁宗初薨

允升元佐子封延安郡王

宗禮允升子虢州觀察使成國公

宗楷允升子康州刺史漢東侯

宗默昭州刺史安康侯

仲翹允升孫眉州防禦使通義侯

宗道允升子常州團練使贈高密侯

宗回漢州防禦使漢東郡公

宗秀左武衛華陰侯

昭成太子元僖太宗次子太平興國七年初封廣平郡王後封

許王尹開封淳化三年薨追贈太子

陳王元份太宗子太平興國八年初封冀王景德二年薨追封

陳王

允寧元份子武定軍節度使信安郡王

宗敏允寧子文州刺史會稽侯

允讓元份子知大正事汝南郡王贈濮安懿王

宗懿允讓子宿州觀察使和國公

宗師密州觀察使高密侯

宗沔洛州防禦使廣平侯

宗孟允寧子汝州防禦使臨汝侯

宗詠洪州觀察使豫章侯

宗邈隴州防禦使濟陽侯

宗望舒州防禦使高密郡公

安王元傑太宗子太平興國八年初封益王咸平六年薨無子
密王元偓太宗子端拱元年封徐國公真宗即位封彭城郡王

天禧元年封徐王二年薨

曹王元偁太宗子初封涇國公真宗即位封安定郡王大中祥

符七年薨贈曹王

鎮王元儼太宗子景德初封廣陵郡王仁宗即位拜太尉尚書

令天聖七年封鎮王後改荆王慶曆四年薨

封建

文獻通考卷三百七

八

崇禎三年重刊

允迪元儼子

安肅軍節度使
贈承嘉郡王

允熙元儼子

滁州刺史
博平侯

允初元儼子

寧國軍節度使
贈博平郡王

代國公元億太宗子早薨至道三年追封

嗣濮王宗暉太宗曾孫安懿王元讓之子英宗之親兄神宗時

嗣封濮王紹聖元年薨

宗晟

安懿王子紹聖元年嗣封

宗綽

紹聖二年嗣封

宗祐

紹聖四年嗣封

仲增

安懿王孫大觀三年嗣封

仲爰

宣和四年嗣封

仲良

建炎二年嗣封

士儻

安懿王曾孫紹興二年嗣封

宗愈

紹聖二年嗣封

宗楚

紹聖三年嗣封

宗漢

紹聖五年嗣封

仲御

政和五年嗣封

仲理

靖康時襲封北遷

仲備

建炎八年嗣封

士輅

隆興初嗣封

士欽

淳熙元年嗣封

不豐

慶元六年嗣封

不標

嘉定元年嗣封

不粘

元祐二年嗣封

不凌

嘉泰五年嗣封

右太宗之世

按諸侯王與列侯皆以其嫡子嫡孫世襲其所受之封爵自非有罪者與無後者則爵不奪而國不除此法漢以來未之有改也至唐則庶子之封公侯者始止其身而無以子襲封者然親王則子孫襲封如故雖所謂茅土食邑多為虛名然始受封之國與爵則父歿子繼世世相承如吳王恪曹王明俱太宗之子受封於貞觀時中更武氏祿山之禍皇族殲夷陵者之餘然其百裔者在則嗣吳王嗣曹王尚見於唐代德順之間宋則皇子之為王者封爵僅止其身而子孫無問嫡庶不世

陰入仕為環山官廉庫節鉞以序而遷如庶官見官陰
子入仕之例必須歷任年深德齒稍博方特封以工部
而其祖父所封之爵則不襲也國朝會要咸慶曆四年
七月制封宗室以皇叔為潯都公德文為東平郡王
皇兄克讓為汝南郡王皇弟允良為華元郡王皇姪從
諤為潁國公從煦為安國公宗說為新國公昭成太子
孫宗保為延安郡王華王孫宗達為恩平郡王郡王孫
宗望為清源郡公自燕王惠然而仁宗之後未有封王爵
者議者以為自三代以下自建宗咸用自承助於是次
第封拜之蓋仁宗鮮兄弟守國既久又無皇子藝祖太
宗之子為王者皆已物故是時宗姓幾無一王故擇其
行尊齒宿者王至濮安懿王以英宗之故安定郡王
以藝祖之故方人世世承襲然又不以昭穆相承嫡

為別每嗣王歿則只擇本宗直下之行尊者承襲於是
濮安懿王有二十七子而得嗣封者七人四十六孫而
得嗣封者亦七人蓋嗣濮王凡十四人纔更兩代耳安
定郡王之後世字行嗣封者五人今字行嗣封者九人
子字行嗣封者四人伯字行嗣封者三人蓋嗣安定郡
王凡二十一人纔更四代耳此例亦古所無也又按蔡
元道祖宗官制舊典稱皇子生百辟命名初除美軍額
節度使兩遇大禮移鎮再遇封國公出閣拜使相封郡
王納夫人建外第方除兩鎮封王然則皇子雖在所必
王然其遷轉亦有次第不遽封也

周王玄祐真宗子咸平五年封信國公六年薨追封周王

右真宗之世

褒王昉仁宗子蚤薨追封

封

文獻通考卷三百七十一

十

豫王昕仁宗子蚤薨追封
鄂王曦仁宗子蚤薨追封

右仁宗之世

天王顯英宗子初封東平郡王神宗立封昌王哲宗立徙楚王
聖初薨 子孝騫寧國節度使豫章郡王

二顧英宗子初封樂安郡王進封嘉王元祐三年薨

潤王類英宗子蚤薨追封

仁宗之世

成王侁神宗子

惠王僅神宗子蚤薨追封

唐王俊神宗子初封永國公並追封王

褒王伸神宗子蚤薨追封

冀王侗神宗子初封景國公並追封王

豫王价神宗子初封建國公薨追封王

徐王侗神宗子蚤薨追封

吳王佖神宗子初封儀國公哲宗即位封大寧郡王徽宗即位

封陳王崇寧五年薨

儀王偉神宗子蚤薨追封

燕王倜神宗子初封成國公哲宗即位封咸寧郡王徽宗時積

封至燕王靖康隨北狩不知所終

楚王似神宗子初封和國公哲宗即位封普寧郡王徽宗時封

蔡王崇寧五年薨

越王僖神宗子初封祈國公積封至越王靖康從北狩不知其

所終

右神宗之世

獻愍太子茂哲宗子蚤薨初贈越王再贈太子

封王

大宋通鑑卷一百三十一

十一

兗王榘徽宗子蚤薨追封

鄆王楷徽宗子初封魏國公進封高密郡王政和八年策進士

居第一積封至鄆王靖康從北狩

荆王楫徽宗子初封楚國公進封南陽郡王崇寧三年薨

肅王樞徽宗子初封英國公積封至肅王靖康中與張邦昌同

質于金國北去

景王杞徽宗子初封冀國公積封至景王靖康從北狩

齊王栩徽宗子初封魯國公積封至濟王靖康從北狩

濟陽郡王楨徽宗子初封楊國公進封濟陽郡王

邠王材徽宗子初封魏國公薨追封

祁王模徽宗子初封鎮國公積封至祁王靖康從北狩

莘王植徽宗子初封英國公積封至莘王靖康從北狩

華原郡王朴徽宗子初封雍國公進爵華原郡王

徐王棣徽宗子初封徐國公積封至徐王靖康從北狩

沂王樛徽宗子初封冀國公積封至沂王靖康從北狩

鄆王拱徽宗子初封定國公薨追封王

和王棫徽宗子初封廣國公積封至和王

信王榛徽宗子初封福國公積封至信王靖康從北狩至河北

得脫馬廣以鄉兵保慶源五馬山寨奉榛為主建炎二年詔以

河外兵馬都元帥後虜破山寨不知所終

漢王椿徽宗子初封慶國公薨追封王

安康郡王榘徽宗子初封衛國公進封安康郡王

廣平郡王榘徽宗子初封韓國公靖康時追封

陳王機徽宗子早薨追封

相國公樾徽宗子政和四年封

瀛國公挺徽宗子政和五年封

建安郡王橫徽宗子初封惠國公宣和時追封

嘉國公椅徽宗子政和八年封

溫國公棟徽宗子政和八年封

英國公德徽宗子宣和二年封

儀國公桐徽宗子宣和三年封

昌國公柄徽宗子宣和四年封

潤國公樅徽宗子宣和七年封

右徽宗之世
元懿太子勇高宗子初封魏國公苗傅劉正彥為逆立勇為帝

改元明受上復辟立為皇太子其年薨贈元懿太子

右高宗之世
莊文太子愔孝宗子紹興三十二年封鄧王乾道元年立為皇

太子三年薨年二十四追諡

魏惠獻王愔孝宗子初封慶王繼封魏王乾道七年薨

子柄昭慶軍節度使吳興郡王贈沂王謚靖惠

右孝宗之世

景獻太子曦藝祖十世孫燕懿王後寧宗慶元四年育于宮中

嘉泰二年封衛國公開禧元年為皇子封榮王三年立為皇太

子嘉定十三年薨年二十八追諡

華冲穆王坦寧宗子蚤薨追封

申冲懿王懋寧宗子蚤薨追封

順冲懷王忻寧宗子蚤薨追封

肅冲昭王怕寧宗子蚤薨追封

濟陽郡王竑沂靖惠王子嘉定十四年立為皇子封祁國公再

封濟國公十七年進封濟陽郡王

右寧宗之世

日本國
圖書印

圖書印

寬政戊午

